

ЎЗБЕКИСТОН ПРЕЗИДЕНТИ ИХТ ДОИРАСИДАГИ КЎП ҚИРРАЛИ ШЕРИКЛИКНИ
РИВОЖЛАНТИРИШ ТАШАББУСИНИ ИЛГАРИ СУРДИ

Туркия Президенти Режеп Таййип Эрдоган раислигида ўтган тадбирда Афғонистон Президенти Ашраф Ғани, Озарбайжон Президенти Илҳом Алиев, Тожикистон Президенти Эмомалӣ Раҳмон, Туркменистон Президенти Гурбангули Бердимухамедов, Эрон Президенти Ҳасан Рухоний, Қирғизистон Президенти Садир Жапаров, Қозоғистон Президенти Қасим-Жомарт Тоқаев, Покистон Бош вазири Имрон Хон, шунингдек, ИХТ бош котиби Ҳади Сулаймонпур, минтақавий тузилмалар раҳбарлари ҳам иштирок этди.

Саммит кун тартибига мувофиқ COVID-19 пандемиясидан кейинги даврда ушбу нуфузли ташкилотга аъзо давлатлар ўртасидаги амалий ҳамкорлиқни кенгайтиришнинг долзарб масалалари кўриб чиқилди.

Давлатимиз раҳбари ўз нутқида Иқтисодий ҳамкорлик ташкилоти ҳудуди — бу тарихи, дини, маданияти ва қадриятлари муштарак, улкан салоҳиятга эга бўлган минтақа эканини алоҳида таъкидлади.

Пандемия шароитларида мамлакатларимиз иқтисодиётларининг кучли ва заиф томонлари яққол кўрингани қайд этилди. Ушбу хатар минтақа мамлакатлари бир-бирига ўзаро боғлиқ экани, савдо-иқтисодий

дий алоқаларни янада ривожлантириш зарурлигини очик-ойдин намоён этди.

Шу билан бирга, ИХТга аъзо мамлакатларнинг мавжуд салоҳияти ва кенг имкониятларидан тўлиқ фойдаланилмайпти, деб таъкидлади Ўзбекистон Президенти.

2025 йилга қадар даврга мўлжаллаб қабул қилинган ҳаракатлар дастури доирасида кўп томонлама шериклиқни ривожлантириш мақсадида давлатимиз раҳбари томонидан қатор муҳим ташаббуслар илгари сурилди.

Ўзаро савдо ва инвестицияларни кўпайтириш мақсадида карантин чора-тадбирлари доирасида ўрнатилган савдо, транспортга доир чеклов ва тўсиқларни бекор қилиш мақсадга мувофиқ экани қайд этилди. Бундан ташқари, савдони рақамлаштириш ва электрон тижоратни ривожлантириш борасидаги ечимларни кенг жорий этиш ҳамда савдо бўйича минтақавий битимни тез фурсатда қабул қилиш таклиф этилди.

Ўзаро келишилган "йўл харитаси" асосида мамлакатларимизнинг етакчи корхоналари ўртасида са-

ноат кооперациясини мустаҳкамлаш ҳам муҳим йўналишлардан бири сифатида қайд этилди. Бу борадаги лойиҳаларни илгари суриш учун молиявий ҳамкорлик механизмларини кенгайтириш ҳамда мамлакатларимизнинг етакчи банк институтлари иштирокида минтақавий форум ўтказиш таклиф этилди.

Транспорт-коммуникация соҳасидаги ҳамкорлик стратегик муҳим устувор йўналиш этиб белгиланди. Мамлакатимиз Ўзбекистон – Туркменистон – Эрон – Умон ва Ўзбекистон – Қирғизистон – Хитой транспорт йўлакларини, Туркия ва Европа мамлакатларига элтувчи маршрутларни ривожлантиришдан манфаатдор.

Афғонистоннинг барқарор тараққиётини таъминлаш ва минтақавий иқтисодий жараёнларга интеграция қилиш мақсадида янги "Мозори-Шариф" – Қўбул – Пешавор" темир йўлини қўриш муҳим экани таъкидланди.

Давлатимиз раҳбари қайд этган яна бир муҳим йўналиш – **озик-овқат хавфсизлигини таъминлаш**.

Ўзбекистон Республикаси Президенти Шавкат Мирзиёев 4 март куни Иқтисодий ҳамкорлик ташкилотининг (ИХТ) видеоанжуман шаклида ўтган 14-саммити ишида иштирок этди.



Шу муносабат билан БМТ Озиқ-овқат ва қишлоқ хўжалиги ташкилоти билан биргаликда тегишли дастури ишлаб чиқиш ҳамда уни жорий йил мамлакатимизда ўтказилиши режалаштирилган ИХТ давлатлари қишлоқ хўжалиги вазирларининг навбатдаги учрашувида тақдим этиш таклиф қилинди.

Энергетика ҳақида суз юритар экан, Ўзбекистон Президенти соҳага, биринчи навбатда қайта тикланувчи энергетикага илғор технологик ечимлар ва инвестицияларни жалб қилиш мақсадида ўрта муддатли стратегияни ишлаб чиқиш ва қабул қилиш ташаббусини илгари сурди.

Иқлим ўзгаришининг глобал оқибатларига қарши курашишда саяё-ҳаракатларини бирлаштириш муҳимлиги, **соғлиқни сақлаш соҳасида**, шу жумладан, замонавий таҳдид ва хатарларни мониторинг қилиш ва уларга қарши тезкор чора қўриш бўйича ҳамкорлиқни кучайтириш зарурлигига алоҳида эътибор қаратилди.

Президент Шавкат Мирзиёев Туркия ташкилотга самарали раислик қилгани учун Президент Режеп Таййип Эрдоғанга миннатдорлик билдириб, раислик

Туркменистонга ўтгани муносабати билан Президент Гурбангули Бердимухамедовни табриклади ва унга муваффақиятлар тилади.

Таъкидлаш жоизки, давлатимиз раҳбари томонидан илгари сурилган, айниқса, Евроосиё маконидagi минтақаларнинг иқтисодий ўзаро боғлиқлигини кучайтиришга қаратилган муҳим ташаббуслар ва аниқ таклифлар **бирлашмага аъзо мамлакатлар етакчилари томонидан тўлиқ қўллаб-қувватланди**.

ИХТга аъзо мамлакатлар етакчилари ўз нутқларида минтақада ўзаро манфаатли ҳамкорлиқни янада ривожлантириш масалаларига, савдо, инвестициялар, инновациялар, транспорт ва коммуникациялар, энергетика, қишлоқ хўжалиги, sanoat, соғлиқни сақлаш, туризм ва бошқа устувор йўналишларда қўшма лойиҳаларни илгари суришининг истиқболларига тўхталдилар. Ташкилотнинг навбатдаги, 15-саммитини Туркменистонда ўтказиш юзасидан келишувга эришилди.

ЎЗА

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ
ИҚТИСОДИЙ ҲАМКОРЛИК ТАШКИЛОТИНИНГ ВИДЕОАНЖУМАН ШАКЛИДА
ЎТКАЗИЛГАН 14-САММИТИДАГИ НУТҚИ

Муҳтарам раис Режеп Таййип Эрдоган Жаноби Олийлари!

Хурматли Давлат ва Ҳукумат Раҳбарлари! Хурматли бош котиб Сулаймонпур Жаноблари!

Авваламбор, Иқтисодий ҳамкорлик ташкилоти Саммитининг барча иштирокчиларини самимий қўллашга ижозат бергайсиз.

Хурматли Президент Эрдоган Жанобларига пандемия шароитига қарамасдан, ташкилотга самарали раислик қилгани ва анжумани юқори даражада ташкил этгани учун эҳқор миннатдорлик изхор этаман.

Пандемия даврида КОВИД-19 касаллигига қарши курашишда қўрсатилган салмоқли ёрдам учун турк дўстларимизга ва шахсан Эрдоган Жанобларига ўз миннатдорлигини билдираман.

Бугун раислик навбати Туркменистонга ўтиш муносабати билан хурматли Президент Гурбангули Мяликулиевич Бердимухамедовни чин дилдан табриқлайман.

Ва албатта, яхши ният қиламизки, навбатдаги Саммитда, Ашхобод шаҳрида қўришиш ҳаммамизга насиб қилсин.

Хурматли йиғилиш иштирокчилари!

Иқтисодий ҳамкорлик ташкилоти ҳудуди — бу тарихи, дини, маданияти ва қадриятлари муштарак, улкан имкониятларга эга бўлган умумий минтақадир.

Дўст давлатларимизни азалдан ўзаро ҳурмат ва ишонч муҳити, савдо ва транспорт-коммуникация алоқалари чамбарчас боғлаб туради.

Бугунги саммитимиз "Ковид-19 дан кейинги даврда минтақавий иқтисодий ҳамкорлик" мавзусида ўтаётганида чуқур маъно мужассам.

Чунки, глобал иқтисодиётга салбий таъсир қўрсатаётган пандемия, давлатларимизни ҳам четлаб ўтмади.

Бу офат кучли ва заиф томонларимизни, бир-биримизга нақадар боғлиқ эканлигини, иқтисодий шериклиқни янада мустаҳкамлаш заруратини яққол кўрсатди.

Дунёда технология ва ресурслар, сармоялар, ташқи бозорларга чиқиш учун рақобат кучайиб бораётган ҳозирги кунда, куч ва салоҳиятларимизни бирлаштириш, иқтисодиётларимизнинг тўлдирувчи омилларидан кенг фойдаланишимиз муҳимдир.

Аммо шунини айтиб ўтиш керакки, Ташкилоти-

миз ҳудудида мавжуд савдо-иқтисодий, молиявий, сармоявий, транспорт-логистика ва энергетика имкониятлари тўлиқ ишга солинмапти.

Шу боис, "Иқтисодий ҳамкорлик ташкилоти — 2025" дастурининг асосий йўналишлари бўйича кўп томонлама шериклиқни янада кенгайтириш мақсадида қуйидаги таклифларни илгари сурмоқчиман.

Биринчидан, иқтисодий ўсишнинг асосий драйвери — ҳеч шубҳасиз, савдо ва инвестиция алоқаларини кучайтиришдир.

Сўнгги йилларда Ўзбекистоннинг аъзо давлатлар билан умумий савдо айланмаси салкам икки баробарга ўсди. Утган йили мураккаб вазиятга қарамасдан, бу ҳажмларни сақлаб қолишга эришдик.

Биз, Ташкилотга аъзо мамлакатлар томонидан карантин даврида ўрнатилган савдо ва транспорт чекловларини бартараф этиш вақти келди, деб ҳисоблаймиз.

Ўйлайманки, рақамли технологиялар ва электрон тижоратни кенг жорий этиш савдо алоқаларимизни сезиларли равишда энгиллаштиради.

Шу маънода, Туркия илгари сураётган Савдога қўмаклашиш бўйича битимни келишиш ва қабул қилишни тезлаштириш лозим, деб ҳисоблаймиз.

Иккинчидан, "Бир-бирини тўлдирувчи нуқталарни топиш" тамойили асосида sanoat кооперациясини ривожлантириш халқларимизнинг умумий фаровонлигини оширишга хизмат қилади.

Бу муҳим режани амалга ошириш учун аниқ йўналиш ва лойиҳаларни қамраб олган қўшма "Йўл харитаси"ни ишлаб чиқишни мақсадга мувофиқ, деб биламиз.

Учинчидан, аъзо давлатлар ўртасида маблағлар, товарлар ва хизматлар эркин айланишини таъминлаш, банклараро алоқаларни ва молиялаштиришни кенгайтириш долзарб масаладир.

Мазкур вазифаларни амалга ошириш учун яқин истиқболда мамлакатларимиз банклари иштирокида халқаро Банк-молия Форумини ўтказишни таклиф қиламиз.

Тўртинчидан, минтақаларимизнинг транспорт йўлакларини кенгайтириш ва транзит салоҳиятини ошириш, ўзаро иқтисодий ҳамкорлигимизни янада жадаллаштиради.

Биз, Ўзбекистон — Туркменистон — Эрон

— Умон, Ўзбекистон — Қирғизистон — Хитой транспорт йўлакларини, шунингдек, Озарбайжон орқали Туркия ва Европа давлатларига чиқиш йўллари ривожлантиришдан манфаатдоримиз.

Шу билан бирга, янги таклиф этилган Мозори-Шариф — Қўбул — Пешовар темир йўлининг қурилиши Афғонистонни кенг минтақаларимизга интеграция қилиш ва барқарор тараққиётни таъминлашда улкан аҳамият касб этади.

Бешинчидан, Бирлашган Миллатлар Ташкилотининг Озиқ-овқат ва қишлоқ хўжалиги ташкилоти (ФАО) билан биргаликда, Ташкилотимизнинг Озиқ-овқат хавфсизлиги соҳасидаги янги Дастурини ишлаб чиқиш ва қабул қилиш зарур, деб ҳисоблаймиз.

Шу муносабат билан, жорий йилда Иқтисодий ҳамкорлик ташкилотига аъзо давлатлар қишлоқ хўжалиги вазирларининг, навбатдаги йиғилишини биз Ўзбекистонда ўтказишга тайёримиз.

Олтинчидан, қайта тикландиган ва муқобил энергия манбаларига бой минтақамизда "яшил иқтисодиёт"ни ривожлантириш имкониятлари нихоятда каттадир.

Энергетика барқарорлигини таъминлаш, соҳага инвестиция ва замонавий технологияларни кенг жалб этишга қаратилган ўрта муддатли Стратегияни ишлаб чиқиш ва тасдиқлаш таклиф этаман.

Еттинчидан, экология ва глобал иқлим ўзгаришлари билан боғлиқ муаммолар оқибатлари минтақамизда, жумладан, Оролбўйи ҳудудида яққол сезилаётган. Бу масалага ечим топиш бўйича барча саяё-ҳаракатларимизни ўзаро бирлаштириш лозим.

Бу йўлда таъсирчан минтақавий ҳамкорликнинг аниқ механизмларини жорий этишни мақсадга мувофиқ, деб ҳисоблаймиз.

Саккизинчидан, Соғлиқни сақлаш соҳасидаги ҳамкорлиқни янада кучайтиришимиз лозим. Ташкилот доирасида эпидемиологик вазиятнинг мониторинг қилиш ва тегишли чора-тадбирларни олдиндан режалаштириш тизимини амалга жорий этишни таклиф қиламиз.

Хурматли йиғилиш иштирокчилари! Сўзимнинг якунида яна бир бор алоҳида таъкидламоқчиман.

Ҳеч шубҳасиз, истиқболда биргаликдаги саяё-ҳаракатлар орқали биз Ташкилот доирасидаги ҳамкорлигимизни янги ва юксак босқичга кўтаришга қодир бўламиз.

Эътиборларингиз учун раҳмат.

Ўзбекистон Республикаси Президентининг
Ф А Р М О Н И8 МАРТ – ХАЛҚАРО ХОТИН-ҚИЗЛАР КУНИ
МУНОСАБАТИ БИЛАН МУКОФОТЛАШ
ТЎҒРИСИДА

Мамлакатимизда азиз ва мўътабар аёл зотини улуғлаш, опа-сингилларимизнинг давлат ва жамият ҳаётида тутган ўрни ва нуфузини ошириш, ўзининг кўп йиллик самарали меҳнати, бой амалий тажрибаси билан оилаларда маънавий-ахлоқий муҳитни мустаҳкамлаш, фарзандларимизни она Ватанга муҳаббат, миллий ва умуминсоний қадриятларга ҳурмат руҳида тарбиялаш ишларига катта ҳисса қўшаётган хотин-қизларимизни муносиб қадрлаш мақсадида ҳамда юртимизда олиб борилаётган туб ислохотларда фаол қатнашиб, янги Ўзбекистонни барпо этиш, халқимиз фаровонлигини юксалтириш йўлида ташаббус ва ibrat кўрсатиб келаётгани учун бир гуруҳ аёллар фахрий унвон, орден ва медаллар билан мукофотлансин:



Давами 2-бетда

Ўзбекистон Республикаси Президентининг
Ф А Р М О Н И2021-2025 ЙИЛДАРДА ФУҚАРОЛИК
ЖАМИЯТИНИ РИВОЖЛАНТИРИШ
КОНЦЕПЦИЯСINI ТАСДИҚЛАШ ТЎҒРИСИДА

Сўнгги йилларда нодавлат нотижорат ташкилотлари ва фуқаролик жамиятининг бошқа институтларини қўллаб-қувватлаш, давлат органлари ва улар ўртасида ижтимоий шериклиқни кучайтириш, таъсирчан жамоатчилик назоратини амалга ошириш, шунингдек, ушбу соҳани тартибга солувчи ҳуқуқий базани такомиллаштириш борасида изчил ишлар олиб борилди.

Хусусан, охириги тўрт йилда нодавлат нотижорат ташкилотлари ва фуқаролик жамияти бошқа институтларининг 1 270 дан ортиқ лойиҳаларини қўллаб-қувватлаш мақсадида Давлат бюджетидан 117 миллиард сўм

миқдордаги маблағлар ажратилди.

Амалга оширилган чора-тадбирлар натижасида нодавлат нотижорат ташкилотларининг ҳуқуқий кафолатларини таъминлайдиган, замонавий демократик талабларга ва халқаро стандартларга жавоб берадиган норматив-ҳуқуқий база янада такомиллаштирилди. Бунинг натижасида 20 га яқин қонун, Ўзбекистон Республикаси Президентининг ҳужжатлари ва Ҳукуматнинг қарорлари қабул қилинди.



Давами 3-бетда

Ўзбекистон Республикаси Президентининг
Ф А Р М О Н И8 МАРТ — ХАЛҚАРО ХОТИН-ҚИЗЛАР КУНИ МУНОСАБАТИ БИЛАН
МУКОФОТЛАШ ТЎҒРИСИДА

Бошланиши 1-бетда

“Ўзбекистон Республикасида хизмат кўрсатган маданият ходими” фахрий унвони билан

Усмонова Мунаввархон Абдухокимовна — “Саодат” журнали бош муҳаррири

“Фидокорона хизматлари учун” ордени билан

Ахмедова Фаридахон — меҳнат фахрийси, Наманган вилояти

Закирова Гавхар Акмаловна — Ўзбек Миллий академик драма театри актрисаси

Ходжаева Раъно Умаровна — Тошкент давлат шарқшунослик университетининг Шарқ мамлакатлари адабиёти ва қиёсий адабиётшунослик кафедраси профессори

Хожиева Ойдин — Ўзбекистон Ёзувчилар уюшмаси аъзоси, шоира

“Меҳнат шuhrати” ордени билан

Агзамходжаева Мунира Шарахматовна — Тошкент ирригация ва қишлоқ хўжалигини механизациялаш муҳандислари институтининг “International House-Tashkent” академик лицейи математика фани ўқитувчиси

Алламбергенова Гулнара Юсупбаевна — Ўзбекистон давлат филармонияси Қорақалпоғистон Республикаси бўлинмаси “Муҳаллес” дуторчилар ансамбли бахши-созандаси

Ахмедова Олмос Гафуровна — Ўзбекистон Республикаси Маданият вазирлигининг Гафур Ғулом уй-музейи директори

Джураева Саида — Самарқанд шаҳридаги “Азиза” масъулияти чекланган жамияти директори, Самарқанд вилояти

Зиявидинова Мукадас Исамидиновна — меҳнат фахрийси, Наманган вилояти

Ибрагимова Насиба Исмаиловна — Ўзбекистон Миллий телерадиокомпаниясининг фахрий диктори

Икрамова Махбуба Латиповна — Пахта селекцияси, уруғчилиги ва етиштириш агротехнологиялари илмий-тадқиқот институти Бухоро илмий-тажриба станцияси директорининг ўринбосари, Бухоро вилояти

Кадинова Махбура Султановна — Олмасор туманидаги “Аъло Омад Ривож” масъулияти чекланган жамияти директори, Тошкент шаҳри

Карамова Комила Зайдуллаевна — Қашқадарё вилояти маҳалла ва оилани қўллаб-қувватлаш бошқармаси бошлигининг биринчи ўринбосари

Кариева Мунира Джураевна — Тошкент шаҳридаги “Jirabek Laboratories” қўшма корхонаси раҳбари

Махмамова Зулайхо Бахриддиновна — Тўрақўрғон тумани ҳокими, Наманган вилояти

Обиджонова Каромат — меҳнат фахрийси, Фарғона вилояти

Полванова Мархабо Расулжоновна — Риштон туманидаги “Зар кулол Риштон” оилавий корхонаси раҳбари, Фарғона вилояти

Расулова Мухаё Юнусовна — Ўзбекистон Республикаси Фанлар академиясининг Ядро физикаси институти бош илмий ходими

Саломова Дилобат Очиловна — “Ўзбекистон металлургия комбинати” акциядорлик жамиятининг электрда пўлат эритиш цехи оператори, Тошкент вилояти

Сатторова Ойжамол Шербобаевна — “Хунарманд” уюшмасининг Шахрисабз тумани бўлими аъзоси, миллий каштачи-хунарманд, Қашқадарё вилояти

Тилабова Дилдор Холовна — “Навоий кон-металлургия комбинати” давлат корхонасининг “Навоий машинасозлик заводи” ишлаб чиқариш бирлашмаси участка кран машинисти, Навоий вилояти

Тўйчиева Яркиной Мамазулуновна — “Хунарманд” уюшмасининг Андижон вилояти бошқармаси аъзоси, дўппидўз-уста

Хайитова Омонгул — Дўстлик туманидаги “Ўлмас Зебинисо” фермер хўжалиги бошлиғи, Жиззах вилояти

Шарипова Насиба Холидиновна — Шеробод туманидаги якка тартибдаги тадбиркор, пайвандчи, Сурхондарё вилояти

“Дўстлик” ордени билан

Абдуллаева Ойдин Утамурадовна — Ўзбекистон Республикаси Олий Мажлиси Қонунчилик палатасининг Фан, таълим, маданият ва спорт масалалари қўмитаси аъзоси

Ғаниева Малика Даникановна — Сирдарё туманидаги “Эркатоӣ” нодавлат мактабгача таълим муассасаси раҳбари, Сирдарё вилояти

Досимбетова Тамара Жумабаевна — Қорақалпоғистон мусулмонлари қозие̐ти хотин-қизлар масалалари бўйича қози ёрдамчиси, бош отинойиси, Қорақалпоғистон Республикаси

Иркулова Гулбахор Алтибаевна — Ўзбек миллий мақом санъати марказининг Юнус Ражабий номидаги “Мақом” ансамбли хонандаси

Каренеева Нурсулу Сардаровна — Томди туманидаги “Томдибулоқ” овул фуқаролар йиғини раиси, Навоий вилояти

Каримова Мархабохон — меҳнат фахрийси, эркин ижодкор, шоира

Каримова Нигора Ғаниевна — Ўзбекистон Республикаси Фанлар академиясининг Санъатшунослик институти кино ва телевидение бўлими мудири

Ким Лариса Викторовна — Навоий олимпия заҳиралари коллежининг спорт гимнастикаси бўйича бош мураббийи, Навоий вилояти

Маннапова Мамураҳон — Андижон қишлоқ хўжалиги ва агротехнологиялар институтининг Ўсимликшунослик, соя ва мойли экнлар кафедраси доценти, Андижон вилояти

Мардиева Дилдора Бахроновна — Ўзбекистон Миллий телерадиокомпаниясининг “Madaniyat va ma’rifat” телеканали муҳарририят бош муҳаррири

Мингбаева Мухаббат Кахрамоновна — Термиз шаҳридаги “Хамидий” хусусий корхонаси директори, Сурхондарё вилояти

Мирзашева Насиба Муратовна — Фарғона шаҳридаги “Баҳодир Лоғон Текстил” қўшма корхонаси тикув бўлими устаси, Фарғона вилояти

Мирсолиева Потима Мирадўллаевна — Поп туманидаги “Parfen” масъулияти чекланган жамиятининг тайёрлов цехи устаси, Наманган вилояти

Набиева Ирода Эркиновна — Ўзбекистон касаба уюшмалари Федерацияси Кенгашининг Даволаш-профилактика маркази бош шифо-кори

Норметова Собура Воҳобовна — Юнусобод туманидаги “Катта Ҳасанбой” маҳалла фуқаролар йиғини раиси, Тошкент шаҳри

Нурлепесова Гулнара Жугинисовна — эркин ижодкор, шоира, Қорақалпоғистон Республикаси

Пырина Людмила Михайловна — Ўзбекистон Республикаси Президенти Администрациясининг масъул ходими

Раджабова Буробия Тангировна — Ўзбекистон Республикаси Фанлар академиясининг Ўзбек тили, адабиёти ва фольклори институти катта илмий ходими

Рахимова Дурдона Шукуруллаевна — Тошкент шаҳар ҳокимининг ёшлар сиёсати, ижтимоий ривожлантириш ва маънавий-маърифий ишлар бўйича ўринбосари

Рузиева Дилобод Турсуновна — Нишон туманидаги “Нишон агропилла” масъулияти чекланган жамияти пиллачиси, Қашқадарё вилояти

Садикова Валида Назруллаевна — меҳнат фахрийси, Тошкент шаҳри

Садикова Лола Ренатовна — Геология ва геофизика институтининг геодинамика, геологик тузилиш ва жараёнларни моделлаштириш лабораторияси мудири

Тимергалина Нина Юрьевна — “Олмалиқ кон-металлургия комбинати” акциядорлик жамиятининг 2-мис бойитиш фабрикаси участка машинисти, Тошкент вилояти

Турсунова Валида Даминжановна — Тошкент шаҳридаги аҳолини касб-хунарга ўқитишга ихтисослашган “Мэри Полпинс” масъулияти чекланган жамияти бош директори

Ҳакимова Санталат — меҳнат фахрийси, Тошкент шаҳри

Хусейнова Абира Амановна — Бухоро давлат тиббиёт институтининг ижтимоий фанлар кафедраси профессори, Ўзбекистон Республикаси Олий Мажлиси Сенати аъзоси

Шерназарова Зулҳумор Жумаевна — Қумқўрғон туманидаги “Ариқ ошган” фермер хўжалиги иш юритувчиси, бахши, Сурхондарё вилояти

Эгамова Дилором Юсуповна — Каттақўрғон шаҳар драма театри актрисаси, Самарқанд вилояти

Элтаева Лола Сууюновна — Ўзбек Миллий академик драма театри актрисаси

Юлдашева Одина Турғунпўлатовна — Ўзбекистон туманидаги 65-ихтисослаштирилган умумий ўрта таълим мактаб-интернатининг информатика фани ўқитувчиси, Фарғона вилояти

II даражали “Соғлом авлод учун” ордени билан

Аминова Меҳрибан Атахановна — Хонқа туманидаги 48-ихтисослаштирилган умумий ўрта таълим мактаб-интернатининг физика фани ўқитувчиси, Хоразм вилояти

Давляканова Вера Николаевна — Пастдарғом туманидаги 12-мактабгача таълим муассасаси тарбиячиси, Самарқанд вилояти

Котова Ирина Владимировна — Бухоро шаҳридаги 30-умумий ўрта таълим мактаби директори, Бухоро вилояти

Мирзарахимова Халидаҳон Телмановна — Андижон шаҳридаги “Меҳримиз сизга” аёллар ва уларнинг оилаларини ижтимоий-хуқуқий қўллаб-қувватлаш маркази директори, Андижон вилояти

Мирзомуротова Уғулжон Бекмирзоевна — Бекобод шаҳридаги “Sweet bubble” хусусий мактабгача таълим муассасаси раҳбари, Тошкент вилояти

Тожиева Тўлқиной Абдужалиловна — Бағдод тумани халқ таълими бўлими мудири, Фарғона вилояти

Юнусова Гуландом Самиевна — Бухоро муҳандислик-технология институтининг ўзбек тили ва адабиёти кафедраси мудири, Бухоро вилояти

II даражали “Саломатлик” ордени билан

Бекатова Зумрад Раҳимбаевна — Ўзбекистон Республикаси Олий Мажлиси Қонунчилик палатаси Фуқароларнинг соғлиғини сақлаш масалалари қўмитаси аъзоси

Қаландарова Мухаббат Дурдибоевна — Ургут тумани тиббиёт бирлашмасининг Янгиариқ оилавий шифокорлик пункти мудири, Самарқанд вилояти

Матниёзова Меҳрибон Отабоевна — Янгиарқ тумани тиббиёт бирлашмасининг болалар бўлими мудири, Хоразм вилояти

Убайдуллаева Севара Абдуллаевна — Тошкент педиатрия тиббиёт институтининг таълим сифатини назорат қилиш бўлими бошлиғи

Хасанова Лола Эмильевна — Тошкент давлат стоматология институтининг малака ошириш факультети декани

Ҳожиева Дилбар Юсуповна — Ғозғон шаҳри тиббиёт бирлашмаси бошлиғи, Навоий вилояти

Шарипова Висолатхон Ҳамзаевна — Республика шошилинч тиббий ёрдам илмий марказининг анестезиология ва реаниматология илмий-клиник бўлими раҳбари

“Соғлом турмуш” медали билан

Палванова Нигора Бекбергеновна — Олимпия ва миллий спорт турлари бўйича Нукус олий спорт маҳорати мактабининг бадий гимнастика бўйича мураббийи, Қорақалпоғистон Республикаси

Ражабова Малика Ҳайитовна — Қоракўл туманидаги “Полвонлар” маҳалла фуқаролар йиғини раиси, Бухоро вилояти

Солмева Феруза Қохромоновна — Жиззах давлат педагогика институти қошидаги “Сайилжой” академик лицейи директори, Жиззах вилояти

Элмуродова Заррина Аслоновна — Оқолтин тумани тиббиёт бирлашмасининг кўп тармоқли марказий поликлиникаси болалар невролог шифокори, Сирдарё вилояти

“Содиқ хизматлари учун” медали билан

Маткаримова Замира Абдушариповна — Ўзбекистон Республикаси Президентининг

Хонқа туманидаги Халқ қабулхонаси мудири, Хоразм вилояти

Муйдинова Тоҳирахон Дадахоновна — Ўзбекистон Республикаси Президентининг Косонсой туманидаги Халқ қабулхонаси мудири, Наманган вилояти

Холматова Лейля Валиевна — Жиззах вилояти божхона бошқармасининг “Қўшкент” чегара божхона пости ғуруҳ катта инспектор-суриштирувчиси

Шокирова Дилрабо Хуббимовна — Янгиҳаёт тумани бўйича Ички ишлар органлари фаолиятини мувофиқлаштириш бошқармасининг 4-ички ишлар бўлими бошлиғи, Тошкент шаҳри

“Келажак бунёдкори” медали билан

Ахмадова Шахноза Дилмуродовна — Янгийўл шаҳридаги “New-Action Textile” масъулияти чекланган жамияти раҳбари, Тошкент вилояти

Бекназарова Махлиёхон Иномжон қизи — Ўзбекистон Республикаси Ёшлар ишлари агентлигининг Бўстон тумани бўлими бошлиғи, Андижон вилояти

Досанова Гулмира Сарсенбаевна — Мўйноқ давлат ўрмон хўжалигининг хўжалик ишлари мудири, Қорақалпоғистон Республикаси

Каримова Шоирахон Собитжон қизи — “Зиё нашр” масъулияти чекланган жамиятининг Фарғона филиали иш бошқарувчиси, Фарғона вилояти

Мирсаидова Фотимахон Эралиевна — Норин туманидаги “Mir City” қўшма корхонаси раҳбари, Наманган вилояти

Мороз Юлианна Романовна — Тошкент шаҳридаги “Webmedia Information” масъулияти чекланган жамиятининг uz24.uz веб-нашри бош муҳаррири ўринбосари

Тожимирзаева Гузалхон Баҳодир қизи — Сирдарё туманидаги “Wang Da Group” қўшма корхонаси директори, Сирдарё вилояти

Шокирова Гулрухбону Бехзод қизи — Жаҳон иқтисодиёти ва дипломатия университетининг 1-босқич талабаси

Юлдашева Шахло Шухратовна — Урганч шаҳридаги “Sevinch Medical Center” хусусий клиникаси раҳбари, Хоразм вилояти

“Шухрат” медали билан

Бекмуратова Венера Джолдасбаевна — Нукус шаҳридаги Президент мактабининг инглиз тили фани ўқитувчиси, Қорақалпоғистон Республикаси

Бердиярова Хуснара Жўрамуратовна — Ховос тумани маҳалла ва оилани қўллаб-қувватлаш бўлими бошлигининг биринчи ўрин-босари, Сирдарё вилояти

Боймуратова Гулсин Аликуловна — Булунгур туманидаги “Ўроқли” маҳалла фуқаролар йиғини раисининг оила, хотин-қизлар ва ижтимоий-маънавий масалалар бўйича ўринбосари, Самарқанд вилояти

Жумаева Фарида Фармоновна — “Навоийазот” акциядорлик жамияти винилхлорид ва поливинилхлорид ишлаб чиқариш цехи смена муҳандиси, Навоий вилояти

Жуманова Замира Хасановна — Шўртан нефть ва газ қазиб чиқариш бошқармасининг цех қурилма кузатувчиси, Қашқадарё вилояти

Жураева Сайёра Акрамжоновна — Тўрақўрғон туманидаги якка тартибдаги тадбиркор, Наманган вилояти

Исмоилова Муқаддас Зайнитдиновна — Музработ туманидаги “Анор Умр” фермер хўжалиғи бошлиғи, Сурхондарё вилояти

Исхакова Насиба Махсудовна — “Хунарманд” уюшмасининг Тошкент шаҳар бошқармаси аъзоси, каштачилик-сўзана устаси

Карабаева Нафиса Кутпитдиновна — Учтепа тумани бош имом-хатибининг хотин-қизлар масалалари бўйича ёрдамчиси, бош отинойиси, Тошкент шаҳри

Қурбонова Азиза Абдусабитовна — Ўзбекистон Миллий телерадиокомпаниясининг

“O‘zbekiston 24” телеканали бўлим катта муҳаррири, ижтимоий тармоқлардаги “Микрофон кўтарган аёл” саҳифалари блогери

Мадиярова Шохиста Азизматовна — Тошкент вилояти хотин-қизлар тадбиркорлик маркази раҳбари

Мамаясупова Зулайхо Примкуловна — Жиззах шаҳридаги “Амир Темур” маҳалла фуқаролар йиғини раисининг хотин-қизлар ва ижтимоий-маънавий масалалар бўйича ўринбосари, Жиззах вилояти

Мирзаназарова Махсуда Юлдашовна — “Uzauto Motors Powertrain” акциядорлик жамиятининг қуйиш цехи устаси, Тошкент вилояти

Мустанова Шахноза Рустамовна — Тошкент давлат ўзбек тили ва адабиёти университетининг таржима назарияси ва амалиёти кафедраси катта ўқитувчиси

Назарова Шоирахон Аъзамовна — Марғилон шаҳар мусикали мақом театри артист-созандаси, Фарғона вилояти

Нишанова Ханифахон Собировна — Янгийўл тумани бош имом-хатибининг хотин-қизлар масалалари бўйича ёрдамчиси, бош отинойиси, Тошкент вилояти

Нурманова Мадина Шухрат қизи — Тошкент шаҳри “Simple Networking Solutions” масъулияти чекланган жамияти муассислигидаги “Daryo.uz” интернет-нашри фотомухбири, блогер

Ражабова Юлдуз Шамшиддиновна — “Дийдор” ёшлар экспериментал театр-студияси актрисаси

Рустамова Шахло Мухаммаджоновна — “Ўзбекконцерт” давлат муассасаси хонандаси

Рустамходжаева Мунисхон Расулжановна — “Ўзбекистон темир йўллари” акциядорлик жамиятининг “Тошкент минтақавий темир йўл узели” унитар корхонаси цех техниғи

Сабирова Дилфуза Киемовна — “Жиззах аккумулятор заводи” акциядорлик жамиятининг сифатни кафолатлаш бўлими бошлиғи, Жиззах вилояти

Сабирова Роза Давлатмуратовна — Урганч шаҳридаги 19-умумий ўрта таълим мактабининг немис тили фани ўқитувчиси, Хоразм вилояти

Садикова Сейяре Сифединовна — Андижон туманидаги “Фусункор” масъулияти чекланган жамияти директори, Андижон вилояти

Тожибоева Бухалима Тухтабоевна — Наманган вилояти “Саховат” кексалар ва ногиронлиғи бўлган шахслар учун интернат уйи катта ҳамшираси

Турекеева Ариухан Аимуратовна — “Қарақалпақстан жаслары” газетаси масъул котиби, Қорақалпоғистон Республикаси

Уракова Лола Хамидовна — эркин ижодкор, адиба, Қашқадарё вилояти

Хайдарова Рисолат Турсуновна — Ўзбекистон Ёзувчилар уюшмасининг халқаро алоқалар ва бадий таржима бўлими бош мутахассиси

Халимова Шарифа Рахимовна — “Хунарманд” уюшмасининг Бухоро вилояти бошқармаси аъзоси, қоракўл маҳсулотлари тикувчиси

Шербобоева Гулрух Бахтиёровна — Тошкент ахборот технологиялари университети Қарши филиали директорининг илмий ишлар ва инновациялар бўйича ўринбосари, Қашқадарё вилояти

Шобердиева Назира Рузиевна — Термиз туманидаги “Ангел Фаришта” оилавий корхонаси раҳбари, Сурхондарё вилояти

Юлдашева Дилдора Эргашевна — Сирдарё туманидаги “Reka-Med Farm” масъулияти чекланган жамиятининг йиғувчи-қадоқловчиси, Сирдарё вилояти

Юлдошева Ҳамида Исмоиловна — Бухоро вилояти “Мурувват” ногиронлар учун аёллар интернат уйи ҳамшираси

Ўзбекистон Республикаси Президентининг
Ф А Р М О Н И

2021-2025 йилларда фуқаролик жамиятини ривожлантириш
концепциясини тасдиқлаш тўғрисида

 Бошланиши 1-бетда

Нодавлат нотижорат ташкилотлари манфаатларини ифода этиш, давлат билан улар ўртасидаги кўприк вазифасини бажаришга қаратилган Ўзбекистон Республикаси Президенти ҳузуридаги Жамоатчилик палатаси ташкил қилинди, шунингдек, аҳоли билан очик мулоқот олиб боришининг янги самарали воситаларини жорий этиш мақсадида давлат органлари ҳузурида **жамоатчилик кенгашлари** фаолияти йўлга қўйилди.

Мамлакатимизда эркин фуқаролик жамиятини шакллантириш ва ривожлантириш, инсон ҳуқуқларини, қонуний манфаатларини, демократик қадриятларни ҳимоя қилиш, аҳолининг сиёсий маданияти ва ҳуқуқий онгини оширишга муносиб ҳисса қўшган нодавлат нотижорат ташкилотлари вакилларини рағбатлантириш мақсадида **“Фуқаролик жамиятини ривожлантиришга қўшган ҳиссаси учун”** кўрак нишонни таъсис этилди ҳамда соҳанинг 126 нафар фаоллари ушбу юксак мукофот билан тақдирланди.

Қўрилаётган чоралар натижасида сўнгги тўрт йилда фуқаролик жамиятининг энг асосий институти ҳисобланадиган нодавлат нотижорат ташкилотлари сони **20,7 фоизга** ошди, шу жумладан, **187 та** йирик республика нодавлат нотижорат ташкилотлари ўз фаолиятини бошлади.

Шу билан бирга, ушбу ишларни сифат жиҳатидан янги босқичга кўтариш ҳамда мамлакатимизда фуқаролик жамиятини ривожлантиришни яқин ва ўрта муддатли истиқболларини белгилаб олиш зарур.

Фуқаролик жамиятини ривожлантиришнинг ташкилий-ҳуқуқий асосларини янада такомиллаштириш, нодавлат нотижорат ташкилотларининг роли ва аҳамиятини, ижтимоий фаоллиги ва фаолиятининг самарадорлигини ошириш, шунингдек, 2017-2021 йилларда Ўзбекистон Республикасини ривожлантиришнинг бешта устувор йўналишини бўйича Ҳаракатлар стратегиясини “Илм, маърифат ва рақамли иқтисодиётни ривожлантириш йили” ва “Ёшларни қўллаб-қувватлаш ва аҳоли саломатлигини мустаҳкамлаш йили”да амалга оширишга оид давлат дастурлари ижросини таъминлаш мақсадида:

1. **2021-2025 йилларда фуқаролик жамиятини ривожлантириш концепцияси** (кейинги ўринларда – Концепция) 1-иловага мувофиқ тасдиқлансин.

2. Қуйдагилар Концепциянинг **устувор йўналишлари этиб белгилансин**:

фуқаролик жамиятини ривожлантиришнинг ҳуқуқий асосларини изчил такомиллаштириш;

фуқаролик жамияти институтларига кўмак бериш ҳамда уларни давлат томонидан қўллаб-қувватлаш механизмини янада такомиллаштириш;

давлат ва жамият бошқарувида фуқаролик жамияти институтларининг фаол иштирок этишини учун зарур шарт-шароитлар яратиш;

давлат ижтимоий лойиҳаларини амалга оширишда фуқаролик жамияти институтларининг иштирокини янада кенгайтириш;

фуқаролик жамияти институтлари фаолиятининг очиклигини таъминлаш.

3. Қуйдагилар:

2021-2025 йилларда фуқаролик жамиятини ривожлантириш концепциясини 2021 йилда амалга ошириш “Йўл харитаси” (кейинги ўринларда – “Йўл харитаси”) 2-иловага мувофиқ;

2021-2025 йилларда фуқаролик жамиятини ривожлантиришнинг мақсади кўрсаткичлари

(кейинги ўринларда – Мақсадли кўрсаткичлар) 3-иловага мувофиқ тасдиқлансин.

4. Белгилансинки:

а) Концепция **ҳар икки йилда Вазирлар Маҳкамаси** қарори билан алоҳида тасдиқланадиган “Йўл харитаси” орқали босқичма-босқич амалга ошириб борилади;

б) **Мақсадли кўрсаткичлар** қуйдагиларни назарда тутади:

нодавлат нотижорат ташкилотлари ва фуқаролик жамиятининг бошқа институтларини давлат томонидан субсидиялар, грантлар ва ижтимоий буюртмалар шаклларида қўллаб-қувватлаш ҳажмини 2021 йилда камида **1,2 бараварга**, 2025 йилда **1,8 бараварга** ошириш;

Қорақалпоғистон Республикаси Жўқорғи Кенгеси, халқ депутатлари вилоятлар ва Тошкент шаҳар Кенгашлари ҳузуридаги нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фондларига 2021 йилда **16 миллиард** сўм, 2025 йилда **70 миллиард** сўм маблағлар ажратиш;

Ўзбекистон нодавлат нотижорат ташкилотлари миллий ассоциацияси аъзолари сонини жами фаолият кўрсатаётган нодавлат нотижорат ташкилотлари сонига нисбатан 2021 йилда **10 фоизга**, 2025 йилда **30 фоизга** етказиш;

ҳар бир давлат органи ҳузуридаги жамоатчилик кенгашлари фаолиятида фуқаролар ташаббуси билан ташкил этилган нодавлат нотижорат ташкилотлари вакилларининг сонини (жами жамоатчилик кенгашлари таркибларига киритилган нодавлат нотижорат ташкилотлари вакилларининг сонига нисбатан) 2021 йилда **5 фоизга**, 2025 йилда **25 фоизга** етказиш;

нодавлат нотижорат ташкилотлари томонидан юқори турувчи ташкилотларга қонунчиликни такомиллаштириш юзасидан киритилган тақлифларнинг умумий сонини 2021 йилда **1 000 тага**, 2025 йилда **5 000 тага** етказилишини таъминлаш;

мамлакатимизда эълон қилинадиган йилга оид давлат дастурида иштирок этаётган нодавлат нотижорат ташкилотлари сонини 2021 йилда **30 тага**, 2025 йилдаги давлат дастурида – **50 тага** етказиш;

амалдаги жараёнларни соддалаштириш ва профилактик чора-тадбирларни кучайтириш орқали нодавлат нотижорат ташкилотлари томонидан содир қилинаётган ҳуқуқбузарликлар (жами 2020 йилда содир қилинган ҳуқуқбузарликлар сонига нисбатан) 2021 йилда **3,8 фоизга**, 2025 йилда **19,2 фоизга** камайтириш;

2021 йилда **50 та**, 2025 йилда **250 та** нодавлат нотижорат ташкилотлари раҳбарларини Давлат бошқаруви академиясида қайта тайёрлаш ва уларнинг малакасини ошириш.

5. Шундай тартиб ўрнатилсинки, унга кўра 2021 йил 1 апрелдан бошлаб:

Нодавлат нотижорат ташкилотлари фаолиятининг очиклик индекси жорий қилинади ва унга кўра ҳар йил яқунлари бўйича нодавлат нотижорат ташкилотлари томонидан амалга оширилган ишлар, ижтимоий шериклик даражаси, ажратилган **субсидия**, **грант** ва **ижтимоий буюртмалар натижадорлиги** ва бошқа муҳим фаолият кўрсаткичларига асосан уларнинг **рейтинги тузилади**;

Нодавлат нотижорат ташкилотлари фаолиятининг очиклик индекси Ўзбекистон Республикаси Президенти ҳузуридаги Жамоатчилик палатаси (кейинги ўринларда – Жамоатчилик палатаси), Ўзбекистон нодавлат нотижорат ташкилотлари миллий ассоциацияси ва Адлия вазирлиги

томонидан белгиланган тартибда **шакллантирилади** ва индекс натижалари уларнинг расмий веб-сайтларида **эълон қилинади**;

Нодавлат нотижорат ташкилотлари фаолиятининг очиклик индексини ишлаб чиқиш ва тўлиқ амалиётга жорий қилиш адлия органларига юклатилади.

Адлия вазирлиги (**М.Икрамов**) Жамоатчилик палатаси ва Ўзбекистон нодавлат нотижорат ташкилотлари миллий ассоциацияси (**Н.Алимов**) билан биргаликда икки ой муддатда Нодавлат нотижорат ташкилотлари фаолиятининг очиклик индексини шакллантириш тартибини ишлаб чиқсин ва тасдиқласин.

6. Нодавлат нотижорат ташкилотларининг Олий Мажлис Қонунчилик палатаси ва унинг қўмиталари (комиссиялар) мажлисларида иштирок этувчи **доимий вакили институти** (кейинги ўринларда – доимий вакил) жорий этилсин.

Доимий вакилнинг асосий вазифалари этиб қонун лойиҳалари ва қўйи палатанинг ваколатларига кирадиган масалалар бўйича муҳокамалар ва йиғилишларда **ижтимоий шериклик**, **таъсирчан жамоатчилик назорати механизмларини** жорий қилиш ва уларни амалиётга тўғри қўллаш, нодавлат нотижорат ташкилотларининг ҳуқуқ ва манфаатларини ифода қилиш белгилансин.

Белгилансинки, доимий вакил фуқаролик жамияти ривожига ҳисса қўшган, фуқароларнинг ҳуқуқ ва эркинликларини ҳимоя қилишда фаоллик кўрсатган, эл-юрт иззат-ҳурматига сазовор бўлган нодавлат нотижорат ташкилотлари ҳодимлари орасидан Жамоатчилик палатаси томонидан лавозимга тайинланади ва лавозимидан озод қилинади.

7. Белгилансинки:

давлат органлари ҳузуридаги жамоатчилик кенгашлари (кейинги ўринларда – жамоатчилик кенгашлари) таркибининг камида **50 фоизини** нодавлат нотижорат ташкилотлари вакиллари ташкил этади;

жамоатчилик кенгашларининг таркиби **Жамоатчилик палатаси** билан келишилгандан сўнг давлат органи раҳбарининг қарори билан ҳар 2 йилда тасдиқланади;

жамоатчилик кенгашларининг умумий аъзолари сони **15 нафардан** кам бўлмаслиги зарур;

давлат органларининг **жамоатчилик билан алоқалар бўлими** (ёки ахборот хизмати) жамоатчилик кенгашларининг ишчи органи ҳисобланади, улар фаолиятини ташкилий-услубий ва ахборот жиҳатдан таъминлайди.

8. Ҳомийлик маблағларини марказлаштирилган ҳолда тўплаш ва тарқатиш, уларнинг мақсадли ҳамда манзилли йўналтирилишини мониторинг қилиш, ушбу жараёнларни тўлиқ автоматлаштириш ва ошқоралигини таъминлаш, шунингдек, хайрия этувчи ўз маблағининг ишлатилишини кузатиб бориш имконини берувчи **“Шаффоф хайрия”** ягона интерактив портали **2021 йил 1 майдан** бошлаб ишга туширилсин.

9. Белгилансинки, **“Шаффоф хайрия”** ягона интерактив порталини ишлаб чиқиш ва ишга тушириш билан боғлиқ харажатлар “Ўзбекистон меҳр-шафқат ва саломатлиқ” жамоат фонди маблағлари ҳисобидан амалга оширилади.

Бош вазир маслаҳатчиси – Вазирлар Маҳкамасининг IT-технологиялар, телекоммуникациялар ва инновацион фаолиятни ривожлантириш масалалари департаменти бошлиғи **О.М.Умаров** ҳамда ахборот технологиялари ва коммуникацияларини ривожлантириш вазирининг биринчи

ўринбосари **О.А.Пекось “Шаффоф хайрия”** ягона интерактив порталини ўз вақтида ишга тушириш, “Ижтимоий ҳимоя ягона реестри” ахборот тизими билан интеграциялаш, зарур бўлганда, қонунчиликни такомиллаштириш бўйича тақлифлар ишлаб чиқиш ва киритиш юзасидан шахсан масъул эканликлари белгилаб қўйилсин.

10. 2021 йилда Қорақалпоғистон Республикаси, Андижон, Қашқадарё, Наманган, Сурхондарё, Тошкент, Фарғона вилоятлари ва Тошкент шаҳрида **“Нодавлат нотижорат ташкилотлари уйлари”** ташкил этилаётганлиги маълумот учун қабул қилинсин.

Қорақалпоғистон Республикаси Вазирлар Кенгаши (**Қ.Сариев**), Андижон (**Ш.Абдурахмонов**), Қашқадарё (**З.Мирзаев**), Наманган (**Ш.Абдуразаков**), Сурхондарё (**Т.Боболов**), Тошкент (**Д.Хидоятлов**), Фарғона (**Х.Бозоров**) вилоятлари ва Тошкент шаҳар (**Ж.Артикходжаев**) ҳокимликлари:

“Нодавлат нотижорат ташкилотлари уйлари”ни фойдаланишга топширсин, шунингдек, уларни зарур офис анжомлари, мебель, буюмлар, техника ва бошқа воситалар билан таъминласин; мазкур биноларга янги ташкил этилган, шунингдек, ижтимоий аҳамиятга эга бўлган соҳаларда ўз фаолиятини амалга ошираётган нодавлат нотижорат ташкилотларини текин фойдаланиш ҳуқуқи асосида жойлаштрисин.

Қорақалпоғистон Республикаси Вазирлар Кенгаши раиси, вилоятлар ва Тошкент шаҳар ҳокимлирига нодавлат нотижорат ташкилотлари эҳтиёжларидан келиб чиққан ҳолда, бўшаб ётган ва самарали фойдаланилмаётган давлат мулки объектлари негизида **туман (шаҳар)ларда** “Нодавлат нотижорат ташкилотлари уйлари”ни ташкил этиш тавсия қилинсин.

11. Маълумот учун қабул қилинсинки, тегишли вазирлик, идора ва ташкилотлар масъул ҳодимларидан иборат бўлган ишчи гуруҳлари барча ҳудудларда бўлиб, нодавлат нотижорат ташкилотлари фаолиятини янада кучайтириш, давлат органлари билан бирга қўшма лойиҳаларини амалга ошириш, соғлиқни сақлаш, маданият, спорт, бандлик, ижтимоий хизматлар, экология, қурилиш, кадастр, транспорт, коммунал хўжалиги каби соҳаларда жойлардаги долзарб муаммоларни **ҳал этишга қаратилган “Йўл харита”лари ишлаб чиқилган**.

Бош вазир ўринбосари **Б.А.Мусаев** Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда **икки ҳафта муддатда** ушбу ҳудудларда 2021 йилда нодавлат нотижорат ташкилотлари фаолиятини қўллаб-қувватлаш, улар билан жойлардаги долзарб муаммоларнинг ечимини топиш бўйича ижтимоий шериклиқни ривожлантиришга қаратилган “Йўл харита”ларини тасдиқласин, шунингдек, уларнинг тўлиқ ва сифатли ижро этилиши юзасидан доимий мониторинг ўрнатсин.

12. Олий Мажлис палаталарига Жамоатчилик палатаси, Адлия вазирлиги, Молия вазирлиги ва бошқа манфаатдор вазирлик ва идоралар билан биргаликда икки ой муддатда нодавлат нотижо-

Ўзбекистон Республикаси Президенти
Тошкент шаҳри, 2021 йил 4 март

рат ташкилотлари ва фуқаролик жамиятининг бошқа институтларини давлат томонидан қўллаб-қувватлашнинг **ягона вертикал тизимини** жорий қилиш тавсия этилсин. Бунда, шу жумладан қуйидагилар назарда тутилсин:

Олий Мажлис ҳузуридаги Нодавлат нотижорат ташкилотлари ва фуқаролик жамиятининг бошқа институтларини қўллаб-қувватлаш жамоат фондининг **ташкилий-ҳуқуқий шаклини** ўзгартириш;

давлат субсидиялари, грантлар ва **ижтимоий буюртмалар** бериш тартибини соддалаштириш; ажратилаётган маблағларни устувор равишда таълим, соғлиқни сақлаш, маданият, спорт, бандлик, ижтимоий хизматлар, экология, қурилиш, кадастр, транспорт, коммунал хўжалиги каби соҳаларда муаммоларини ҳал этиш учун ижтимоий буюртмаларга йўналтириш;

мавжуд муаммоларни аниқлаш, уларни чўқур таҳлил қилиш, ечимлари бўйича тақлиф ишлаб чиқиш, ижроси устидан жамоатчилик назоратини таъминлаш.

13. Жамоатчилик палатаси:

а) Адлия вазирлиги ва Ёшлар ишлари агентлиги билан биргаликда **Жаҳон хайрия индекси** (The World Giving Index) бўйича Ўзбекистоннинг дунёдаги етакчи мамлакатлар қаторига киришини таъминласин;

б) Адлия вазирлиги ва Коррупцияга қарши курашиш агентлиги билан биргаликда уч ой муддатда:

фуқаролик жамияти институтлари томонидан давлат органларига борган ҳолда жамоатчилик назоратини ўтказиш амалиётининг тартибини ишлаб чиқсин ҳамда жорий этсин;

жамоатчилик назорати тўғрисидаги қонун ҳужжатларини бузганлик учун маъмурий жавобгарлик белгилашни назарда тутувчи қонун лойиҳасини Вазирлар Маҳкамасига киритсин.

14. Миллий ахборот агентлиги (**А.Кўчимов**) Миллий телерадиокомпания (**А.Хаджаев**), Халқаро пресс-клуб (**Ш.Кудратходжаев**), Электрон оммавий ахборот воситалари миллий ассоциацияси (**Ф.Абдухаликов**) билан ҳамкорликда ушбу фармоннинг мақсад ҳамда вазифаларини кенг ёритиш бўйича чиқишлар ва мавзуга оид кўрсатувларни ташкил этсин.

15. Мазкур фармоннинг ижросини самарали ташкил этишга масъул ва шахсий жавобгар этиб Бош вазир ўринбосари **Б.А. Мусаев**, адлия вазир **Р.Қ. Давлетов**, Қорақалпоғистон Республикаси Вазирлар Кенгаши раиси, вилоятлар ва Тошкент шаҳар ҳокимлари белгилансин.

Фармон ижросини муҳокама қилиб бориш, ижро учун масъул идоралар фаолиятини мувофиқлаштириш ва назорат қилиш Ўзбекистон Республикаси Бош вазир **А.Н.Арипов** ва Ўзбекистон Республикаси Президентининг маслаҳатчиси **Р.С. Қосимов** зиммасига юклансин.

Амалга оширилаётган чора-тадбирлар натижадорлиги юзасидан

2021 йил 1 июль ва 2022 йил 1 январгача Ўзбекистон Республикаси Президентига ахборот берилсин.

ИНТЕРВЬУ

МУҲИМ ТАШАББУСЛАР ТЎЛИҚ ҚЎЛЛАБ-ҚУВВАТЛАНДИ

Давлатимиз раҳбарининг Иқтисодий ҳамкорлик ташкилотининг (ИХТ) видеоанжуман шаклида ўтган 14-саммитдаги нутқида илгари сурган минтақада ўзаро савдо ва инвестицияларни кўпайтириш, саноат кооперациясини мустаҳкамлаш, транспорт-коммуникация соҳасидаги ҳамкорлик, озиқ-овқат хавфсизлигини таъминлаш, соғлиқни сақлаш, клим ўзгариши каби долзарб масалалар ечими билан боғлиқ бир қатор муҳим ташаббус ва аниқ тақлифлари аъзо мамлакатлар раҳбарлари томонидан қўллаб-қувватланди.

Илҳом МАҲКАМОВ, транспорт вазири:

— Президентимиз ўз нутқида минтақа учун муҳим бўлган транспорт соҳасига ҳам алоҳида эътибор қаратди. Хусусан, Иқтисодий ҳамкорлик ташкилотига аъзо мамлакатлар ўртасида транзит салоҳиятини ошириш, транспорт йўлакларини кенгайтириш масалаларига алоҳида ургу берди. Учта йирик транспорт йўлаги, яъни Ўзбекистон — Туркманистон — Эрон — Ўмон, Ўзбекистон — Қирғизистон — Хитой транспорт йўлаклари, шунингдек, Озарбайжон орқали Туркия ва Европа мамлакатларига чиқиш йўларини ривожлантириш, шу билан бирга Мозори Шариф — Кобул — Пешовар темир йўлини қуриш орқали ўзаро савдо-сотиқ ҳажмини ошириш имконияти пайдо бўлади.

“ЯНГИ ЎЗБЕКИСТОН” УЧУН МАХСУС

ЎЗБЕКИСТОН КОНСТРУКТИВ ВА ЯРАТУВЧАН ТАШҚИ СИЁСАТГА СОДИҚ ҚОЛМОҚДА

Ўзбекистон Президенти Шавкат Мирзиёевнинг Иқтисодий ҳамкорлик ташкилоти (ИХТ)нинг 14-саммитидаги нутқи Туркия экспертлар ҳамжамияти вакиллари томонидан катта қизиқиш билан кутиб олинди.

Куршад ЗОРЛУ, таниқли сиёсатшунос, Йозгат университети менежмент ва иқтисодий билимлар факультети декани, Марказий Осиё мамлакатлари ҳақида қатор мақола ва китоблар муаллифи, профессор:

— Президент Шавкат Мирзиёев сўнгги тўрт йил ичида нафақат Ўзбекистондаги илсоятчилик фаолиятини жонлантиришга, балки халқаро ҳамкорлик уфқларини кенгайтириш орқали улкан минтақа бўйлаб сиёсий ва иқтисодий муносабатларга сезиларли туртки беришга муваффақ бўлди.

Ушбу тенденция натижасида Ўзбекистонда янги геосиёсий ўзига хослик шаклланмоқда. Бугун Ўзбекистон нафақат кенг қамровли, шу жумладан, турли шериклар билан кўп томонлама алоқаларни фаол ривожлантирмоқда, балки макро минтақавий даражадаги ҳамкорлиқни фаоллаштириш учун қатор амалий тақлифларнинг ташаббускори бўлмоқда. Қўшни

давлатлар ва бошқа шериклар билан муносабатларда, масалан, АҚШ, Россия, Хитой ва Туркия каби халқаро муносабатларнинг субъектлари билан Президент Шавкат Мирзиёев ўзаро манфаатли иқтисодий ҳамкорликка асосланган муносабатларнинг янги моделини яратди. Ўзбекистон раҳбарининг Туркия Президенти Режеп Таййип Эрдоғон бошчилигидаги видеоконференция шаклида бўлиб ўтган ИХТ 14-саммитидаги нутқи ушбу янгиланишлар руҳида бўлди.

Ўзбекистон Президенти ўз нутқида минтақавий шериклиқни ривожлантириш истиқболлари тўғрисида мутлақо конструктив тасаввурни тақдим этди, шунингдек, пандемия оқибатларини бартараф этиш, савдо алоқаларини тиклаш, саноат кооперациясини мустаҳкамлаш, транспорт ва логистика соҳаси, озиқ-овқат хавфсизлиги, “яшил иқтисодиёт”ни ривожлантириш ва молиявий ҳамкорлик соҳаларида қўшма дастурларни амалга ошириш бўйича аниқ тақлифларни илгари сурди.

Биз буни нафақат Ўзбекистоннинг ташаббускор ташқи сиёсатининг, унинг Иқтисодий ҳамкорлик ташкилоти орқали аввалги алоқаларининг манتيқий давоми, балки Евроосиёнинг муҳим макро минтақасида шериклиқни ривожлантиришга қўшимча туртки беришга қаратилган янги қадами сифатида ҳам баҳолаймиз. Ўзбекистоннинг ИХТда илгари сурган ташаббуслари Туркия раислигининг устувор йўналишларига мос келгани ва ташкилотнинг бутун маконида ҳамкорлиқни инклюзив ривожлантириш учун янги синергиялар яратиши бизни, айниқса, қувонтирди.

Туғрул ЧАМАШ, сиёсатшунос, АнкаСАМ (Анкара) таҳлил маркази шарҳловчиси:

— Эксперт ва таҳлил доираларда ИХТ минтақасининг оддий бўлмаган геосиёсий табиати тан олинди. Бу ерда турли кучларнинг стратегик манфаатлари бир-бирига болганган бўлиб, улар, очигини айтганда, баъзан бошқа-бошқа йўналишли, қийин мақсад ва вазифаларни кўзлайди.

Шу сабабли, манфаатларнинг умумий асосларини топиш, диққат ва ресурсларни ИХТ ҳудудидаги ўзаро ҳамкорлик йўналишларига тўғрилаш

қобилияти кўп қиррали ҳамкорликка нисбатан нозик, ижодий, шунингдек, самимий ёндашувларни талаб қилади. Президент Шавкат Мирзиёев айнан шундай қалитларни топа олди. Унинг тақлифлари Иқтисодий ҳамкорлик ташкилотининг тузилмалари ва аъзо давлатларда амалий қизиқиш уйғотди.

Ўзбекистон конструктив, яхши кўшничлик, бир сўз билан айтганда, яратувчан ташқи сиёсатни давом эттиришга содиқ қолмоқда. Бунинг натижасида бугунги кунда Марказий Осиёда мутлақо янги, ижодий сиёсий муҳит ҳукм сурмоқда. Ушбу минтақада янги геосиёсий статус-қвонинг шакллангани яққол кўзга ташланмоқда. Ўзбекистоннинг кенг минтақадаги, шу жумладан, ИХТ маконидagi изчил фаолияти Марказий Осиё атрофидаги макроминтақада ҳам худди шундай фойдали таъсирга умид қилиш имконини бермоқда.

Ўзбекистоннинг ИХТ доирасидаги фаоллиги катта ютуқ бўлиб, бу ташкилотни мустаҳкамламоқда, кучайтирмоқда ва унинг тараққиётига ҳисса қўшмоқда.

“Дунё” АА.

Анкара.



ХАЛҚ ДАРДИДАН КЕЛИБ ЧИҚҚАН ПРИНЦИПИАЛ СТРАТЕГИЯ

3 март куни давлатимиз раҳбари раислигида уй-жойлар қуриш ва ипотека кредити юкламаларини енгиллаштириш бўйича видеоселектор бўлиб ўтди.

Баҳодир ЮНУСОВ,
журналист



тижорат банкларига жойлаштирадиган ресурслар ҳисобига 26,5 мингта квартира, ҳар бир виллоятда яқка тартибдаги уй-жой қуриш учун 500 тадан, жами 6,5 мингта оилга кредит берилди.

Президентимиз турмуш шароити оғир, бошпанасиз қолганларга алоҳида эътибор қаратди. Ана шундай мингта оила, айниқса, аёлларга “ижтимоий уй-жойлар” ижара асосида ажратилди.

Тан олиш керак, шу кунгача Ўзбекистонда бунақа кенг ҳажмдаги қурилиш дастури амалга оширилмаган.

Энг катта масала — қурилаётган уй-жойларнинг нарх-халиқимиз учун адолатли шакллантиришидир. Президентимиз виллоят ва туман ҳокимлари олдида яна бир муҳим вазифа қўйди — бир квадрат метр уй нархини 4 миллион сўмдан оширмаслик! Бунга қўрбимиз ҳам, имкониятимиз ҳам етарли. Чунки, қурилиш материалларининг деярли 100 фоизи ўзимизда ишлаб чиқарилади. Мустаҳкам база яратилган. Бу соҳада ҳам қўл қовуштириб ўтирилгани йўқ. Катта инвестициялар ва замонавий технологиялар олиб келинди.

Бир эътибор беринг рақамларга, жорий йилда аҳолини уй-жой билан таъминлаш дастури доирасида 11,5 триллион сўм (ўтган йилга нисбатан 4 баравар кўп) маблағ ажратилмоқда.

Энг асосийси, бу йилдан бошлаб ипотека кредити бўйича молиявий ресурслардан етишмовчилик ва чекловлар бўлмайди.

Қўп қаватли уйлар қатори аҳолининг яқка тартибдаги уй-жойлар қуриши учун ҳам кредитлар ажратиш тизими йўлга қўйилди.

Бунда, кредит бир йиллик имтиёзли давр билан 20 йилга ажратилиб (ўртача 240 миллион сўм), эҳтиёмжанд аҳоли учун фозининг бир қисми субсидия сифатида тўлаб берилди.

“Қарс икки қўлдан чиқади”, деганларидек давлатимиз томонидан аҳолига катта имтиёзлар берилмоқда. Жорий йилда ипотека кредити бўйича 6 ойлик имтиёзли давр киритилмоқда. Шаҳарларда кредит олиш учун дастлабки бадал миқдори 20 фоиздан 15 фоизга тушириладиган бўлди.

Яна бир янгилик. Паст даромадли, уй-жой шароити яхшилашга муҳтож оилаларга 15 фоизлик дастлабки бадалнинг 10 фоизи субсидия сифатида тўлаб берилди. Яъни, аҳоли уй олиш учун дастлабки бадалнинг 5 фоизини тўлайди, холос.

Кредит олган аҳоли учун фозиз тўловларининг Тошкент шаҳрида 12 фоизи, бошқа ҳудудларда 10 фоиздан юқори қисмига субсидия берилди.

Тасаввур қилинг, 54 квадрат метрли квартира (ўртача 216 миллион сўм) оломқочиси, унинг дастлабки бадали 33 миллион сўм бўлади. Сиз шунинг фақат 11 миллион сўмини тўлаб, янги уйда яшаб бошласиз. Қолган 22 миллион сўмини эса давлат беради. Имтиёзли даврда оилга 1 миллион 500 минг сўм кредит тўлайсиз, қолган 1 миллион 100 минг сўмининг ҳар ой давлат қоплаб беради. Энди тан олиш керак, энг ночор одам ҳам салгина ҳаракат қилса, бу пулни топиши мумкин.

Давлатимиз томонидан қурувчи ташкилотларга ҳам имтиёзлар берилмоқда. Хусусан, бундай ташкилотлар учун пандемия даврида берилган имтиёзлар жорий йил якунигача узайтириладиган бўлди.

Жумладан, Тадбиркорларни қўллаб-қувватлаш жаамгармаси томонидан қурувчи ташкилотларга уй-жой қуриш учун жалб қилган кредитлар бўйича 20 миллиард сўмгача кафилилик ҳамда Марказий банк асосий ставкасидан олган қисмига компенсация берилди.

Яна бир муҳим янгилик. Эндилкида қурилиш сифати ҳам жиҳдиди назоратга олинади. Бунда, уйнинг бўлажак эгаси ер ажратишдан бошлаб, унинг топширилишигача бўлган барча жараёнларда бевосита иштирок этади.

“Уйни эгаси ҳар куни келиб қурилиш ишларини кўрсин, қурувчиға хатоларини кўрсатсин, сифатни ўзи ҳам назорат қилсин! Ҳар бир лойиҳа ипотека веб-порталига жойлаштирилиши ва барча учун очик эълон қилиниши, аҳоли фикрини билдириши учун имконияти яратилиши керак”, деди давлатимиз раҳбари.

Бир сўз билан айтганда, одамларнинг уй-жойли бўлиши учун ҳамма имконият, имтиёз ва шароитлар ярати берилди. Фақат биргина талаб бор. Берилаётган имтиёзлардан ҳалол-поқ фойдаланг. Адолатли тизим орқали ишлаш!

Энди маҳаллий кенгашлар томонидан депутат, жамоат фаоллари иштирокида “халқпарвар комиссия” ташкил этилади. Улар қурувчиға ерни адолатли ажратилиши, имтиёз оладиган эҳтиёмжанд оилалар рўйхатининг шаклланиши ва қурилишлар сифати устидан таъсирчан жамоатчилик назоратини ўрнатади.

Шу йилнинг ўзида давлат дастури асосида 54 минг оила бошпанали бўлади. 54 минг оила асосий орузсиға етади, давлатдан рози бўлади. Бу саъй-ҳаракатларга озмунча маблағ кетмапти. Катта ресурслар сафарбар қилинмапти. Лекин, битта сиёсат устувор бизда — қанча пул кетса кетсин, халқ яхши яшасин.

Одамлар ҳаётидан рози бўлса, давлатнинг энг катта ютуғи шунда!

Хулоса ўрнида: “Уйчи ўйини ўйлагунча, таваккалчи ишини битирибди” деган мақол бор халқимизда. Ўйласак, ўйлаб ўтираварардик яна кўп йил... Лекин, бу қилинган оламшумул ишлар таваккалчилик эмас, балки узоқни кўзлаган, келажакда одамларимиз муносиб ҳаёт кечирсин, деган қатъий принципиал стратегиядир.

АҲОЛИНИ УЙ-ЖОЙ БИЛАН ТАЪМИНЛАШ — УСТУВОР ВАЗИФА

Мамлакатимизда аҳолининг турмуш даражасини янада яхшилаш, фаровонлигини ошириш, уларни замонавий уй-жойлар билан таъминлаш масаласи давлат сиёсатининг муҳим йўналиши этиб белгиланган. Ушбу вазифалардан келиб чиқиб, юртимизнинг барча ҳудудларида намунавий лойиҳалар асосида уй-жойлар барпо этиш борасидаги ишлар қўлами кенгаймоқда.

Лутфулла СУВОНОВ,
“Янги Ўзбекистон” мухбири

Бу масалага давлатимиз раҳбари томонидан алоҳида эътибор қаратиб келинаётгани бежиз эмас. Таъкидлаш жоизки, аҳоли сони ўсиши билан уй-жойга бўлган эҳтиёж ҳам ошиши табиий. Чунки юртимизда уйга эҳтиёжи бор оилалар ҳали кўп. Бу бўйича аҳолидан қўллаб-муражаатлар бўлаётгани ҳам бор гап.

Бу борада Президентимизнинг 2016 йил 21 октябрдаги “2017–2021 йилларда қишлоқ жойларда янгиланган намунавий лойиҳалар бўйича арзон уй-жойлар қуриш дастури тўғрисида”-ги ҳамда 2016 йил 22 ноябрдаги “2017–2020 йилларда шаҳарларда арзон кўп қаватли уйларни қуриш ва реконструкция қилиш дастури” амалга ошириш чора-тадбирлари тўғрисида”ги қарорлари асосида қабул қилинган дастурлар муҳим аҳамият касб этмоқда.

Жумладан, дастурларга қўра, ўтган тўрт йилда 140 мингта уй-жой барпо этилди. Қурилган уйларнинг йиллик ўрта сони таққослаганда, аввалги даврдаги кўрсаткичдан 4–5 баравар кўлдир. Шундай экан, яна минглаб уй-жойлар қуриш, соҳада лойиҳа ва қурилиш сифатини ошириш, малакали мутахассислар тайёрлаши ҳаётнинг ўзи олдимизга қўндалган қўймоқда.

Шу боис, Президентимиз раислигида 3 март куни уй-жой қурилиши ва ипотека бозорини ривожлантириш чора-тадбирлари бўйича ўтказилган видеоселектор йиғилишида бу борада қатор вазифалар белгиланди.

— Давлатимиз раҳбари аҳолининг барча қатламларини уй-жой билан таъминлаш, бу борада танлаш имкониятини кенгайтириш зарурлигини таъкидлади, — дейди қурилиш вазир Ботир Зокиров. — Энг муҳими, бугун ким уй-жойини янгиламоқчи бўлса, уларга ипотека

кредитлари берилди. Ижтимоий таъминотга муҳтож оилаларга субсидиялар ажратилди. Бу эса аҳолининг уй-жойга бўлган талабини қондиришга хизмат қилади. Шу мақсадда жорий йилда 54 минг оилани уй-жой билан таъминлаш мўлжалланмоқда. Жумладан, давлат ипотека дастури доирасида жами 45 мингта уй қурилади.

2021 йилда уй-жойларни сифатли ва муддатда қуриш учун барча зарур чора-тадбирлар амалга оширилмоқда. Жумладан, 45 минг хонадонли кўп қаватли уйлар учун 7 хил намунадаги энерготежамкор лойиҳалар ишлаб чиқилди. Шунингдек, аҳоли пунктларидаги 166 та яхлит массив ўрганилиб, 131 таси танлаб олинди. Бу массивларда 15 тадан 70 тагача уй қуриш ҳамда аҳоли учун янги иш ўринлари яратиш мақсадида ижтимоий ва саноат объектлари барпо этиш режалаштирилди.

Бунда муҳандислик-коммуникация тармоқлари мавжуд ҳамда геологик жиҳатдан энг мақбуллари инobatта олинди. “Ягона буюртмачи хизмати”, “Қишлоқ қурилиш инвести” ва “Шаҳар қурилиш инвести” компаниялари уй-жой массивлари қуриш лойиҳаларини ишлаб чиқиши ва ташки коммуникацияларни қуриш бўйича буюртмачилик функциясини амалга ошириши белгиланди.

Янги тартибда қуриладиган уйларнинг техник назорати ҳудудлардаги “Ягона буюртмачи хизмати”га оқлатилди. Бунда молиялаштириш мабзалари аниқ белгиланиши лозим.

Давлатимиз раҳбари қурилиш сифати масаласига алоҳида эътибор қаратиб келади. Йиғилишда ҳар бир лойиҳа ипотека веб-порталига жойлаштирилиши ва барча учун очик эълон қилиниши, уйларнинг бўлажак эгаси сифатни назорат қилиш имконига эга бўлиши кераклиги таъкидланди. Белгиланган вазифалардан келиб чиқиб, Қурилиш вазирлиги сайтида намуна-

вий лойиҳалар банки ташкил этилди ва бу банк ҳар йили бойитиб борилади. Мазкур тизимдан бугун барча бепул фойдаланиши мумкин.

Яна бир муҳим вазифа, шу пайтгача уй-жойларнинг 15–20 фоизи энергиятежамкор технологиялар асосида қурилган бўлса, жорий йилда қурилаётган 45 мингдан ортқ кўп қаватли уй-жойнинг 100 фоизи энергиятежамкор бўлади. Бу эса, ўз навбатида, уй эгалари ҳаражатлари камайишига хизмат қилади. Жумладан, электр энергиясидан қирқ фоизгача, газдан икки ярим баробар иқтисод қилиш мумкин бўлади.

Соҳада яна бир янгилик — “Шаффоф қурилиш” тизими ишга туширилди. Бу дастур орқали уйларнинг лойиҳалари, қурилиш ташкилотлари ва амалга оширилаётган ишлар, сифат кўрсаткичларини онлайн режимда кузатиб бориш мумкин. Уйлар қурилишига салоҳиятли мутахассислар, замонавий моддий-техник базага эга, молиявий барқарор пудрат ташкилотларини рейтинг тизими асосида жалб қилиш энг муҳим масалалардан бири. Бу вазифани амалга ошириш учун ҳам мазкур тизим муҳим аҳамиятга эга.

Ана шу мақсадда молиявий барқарор, етарли моддий-техник базаси ва салоҳиятли мутахассисларга эга пудрат ташкилотлари рўйхати шакллантирилди. “Шаффоф қурилиш” тизимида мазкур ташкилотларнинг рейтинг мавжуд. Бу ерда барча маълумотлар очик, шаффоф ҳолда бериб борилади. Бу ҳам, ўз навбатида, қурилиш сифатини яхшилашда муҳим аҳамиятга эга. Аҳолига яқка тартибдаги уйлар қуриш намунавий лойиҳалари бепул фойдаланиши ва доимий янгиладиган. Бу дастурда уй-жойлар лойиҳавий техник кўрсаткичларининг электрон маълумотлар базаси ишга туширилади.

Галдаги яна бир муҳим масала, асосий қурилиш материаллари ишлаб чиқарувчиларнинг рентабеллик даражасини ҳисобга олган ҳолда, етказиб бериувчилар билан тўғридан-тўғри шартномалар асосида харид қилишга рухсат бериш мақсадга мувофиқ бўлади. Шу маънода зарур чора-тадбирлар қўрилмоқда. Бу ҳам уй-жойлар нархи кескин ошишининг олдини олади.

МУНОСАБАТ

ЭРКИН ВА АДОЛАТЛИ ФУҚАРОЛИК ЖАМИЯТИНИ ШАКЛЛАНТИРИШДА МУҲИМ ҚАДАМ

Фуқаролик жамияти, бу — демократик давлатнинг асосий қўрсаткичи ҳисобланади. Кейинги пайтда мамлакатимиз ижтимоий-сиёсий ҳаётида фуқаролик жамияти институтлари тобора муҳим ўрин тутмоқда. Хусусан, барча жабҳаларда демократик ўзгаришларни амалга оширишда нодавлат нотижорат ташкилотлари ҳамда фуқаролик жамияти бошқа институтларнинг роли ва аҳамиятини, ижтимоий фаоллигини ошириш бўйича сезиларли чора-тадбирлар қўрилди. Улар фаолиятининг самарадорлигини ошириш ҳамда ҳар томонлама қўллаб-қувватлаш учун зарур институционал база яратилди.



Абдулла РЎЗМЕТОВ,
Олий Мажлис Қонунчилик палатаси депутати

2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида фуқаролик жамияти институтларини ривожлантириш, уларнинг ижтимоий ва сиёсий фаоллигини ошириш давлат ва жамият қурилишини такомиллаштиришнинг асосий йўналиши сифатида белгиланган.

Президентимиз шу йил 22 февраль куни Женева шаҳрида бўлиб ўтган БМТ Инсон ҳуқуқлари бўйича кенгашининг 46-сессиясида қўриқчида ҳам бу масалага тўхталиб, “Биз эришган натижаларимиз билан қияфояланиб қолмасдан, бундан бўён ҳам фуқаролик жамияти институтларини янада ривожлантириш, Ўзбекистонда сўз эркинлигини ҳар томонлама қўллаб-қувватлашни қатъий мақсад қилганимиз”, дея таъкидлаган эди.

Мана орадан ҳеч қанча вақт ўтмай, нодавлат нотижорат ташкилотларининг родини янада ошириш, уларнинг ҳуқуқлари ва қонуний манфаатлари ҳимоясини мустаҳкамлаш мақсадида “Нодавлат нотижорат ташкилотларини давлат томонидан қўллаб-қувватлаш, уларнинг фаолияти эркинлиги, ҳуқуқлари ва қонуний манфаатлари ҳимоя қилинишини таъминлашга оид қўшимча чора-тадбирлар тўғрисида”ги қарорни имзолади.

Мазкур қарорда муҳим масалаларнинг ечими кўрсатиб ўтилгани катта амалий аҳамиятга эга. Бинобарин, илгари мамлакатини янада ижтимоий-иқтисодий ва ижтимоий-сиёсий ривожлантириш учун инновацион ғояларни тақлиф этадиган фаол, ташаббускор нодавлат нотижорат ташкилотларининг фаолиятини давлат томонидан қўллаб-қувватлаш ва рағбатлантириш чоралари етарли даражада амалга оширилмаётган эди. Ушбу ҳужжатда ННТларни давлат томонидан қўллаб-қувватлаш қўламини кенгайтириш ҳамда уларга қўлай шарт-шароитлар яратиш

бўйича аниқ вазифалар белгиланиб, соҳада юзага келаётган муаммоларнинг ечими ҳам кўрсатиб ўтилган. Бу эса Ўзбекистонда нодавлат нотижорат ташкилотларининг родини янада оширишга хизмат қилиши мўқаррар.

Ҳужжатга мувофиқ, 2021 йил 1 мартдан бошлаб нодавлат нотижорат ташкилотлари томонидан рўйхатдан ўтказувчи органини ҳабардор қилган ҳолда, хорижий манбалардан олинмадиган пул маблағлари ва мол-мулкнинг бир қалендар йилдаги жами суммаси базавий ҳисоблаш миқдорининг йигирми баваравидан юз бараваригача оширилади. Ташкилотни қайта рўйхатдан ҳамда унинг раъзини давлат рўйхатидан ўтказиш муддати бир ойдан ўн беш кунгача қисқартирилиб, ногиронлиги бўлган шахслар, фахрийлар, нуронийлар, хотин-қизлар, болалар жамоат бирлашмалари раъзларини давлат рўйхатидан (қайта рўйхатдан) ўтказиш учун давлат божни ундирилмайди.

Мазкур қарор билан қуйидагилар Ўзбекистон нодавлат нотижорат ташкилотлари миллий ассоциацияси фаолиятининг асосий йўналишлари этиб белгиланганди :

биринчидан, нодавлат нотижорат ташкилотларининг ҳуқуқлари ва қонуний манфаатларини давлат органларида, судларда, халқро, хорижий, шунингдек, бошқа ташкилотларда ифода этиш ҳамда ҳимоя қилиш;

иккинчидан, нодавлат нотижорат ташкилотлари, тадбиркорлик субъектлари, халқро ва хорижий тузилмалар ҳамда давлат органлари ўртасида ўзаро манфаатли ҳамкорлини ривожлантиришда иштирок этиш;

учинчидан, нодавлат нотижорат ташкилотлари ташаббусларини амалга ошириш учун уларга қўлай ҳуқуқий, иқтисодий ва ижтимоий шароитлар яратишга қўмаклашиш;

тўртинчидан, нодавлат нотижорат ташкилотларининг ҳуқуқлари ва қонуний манфаатларига дахлдор бўлган норматив-ҳуқуқий ҳужжатлар лойиҳаларини ишлаб чиқишда иштирок этиш ҳамда соҳани тартибга солувчи қонунчиликни такомиллаштириш юзасидан тақлифлар тайёрлаш.

Шунингдек, нодавлат нотижорат ташкилотлари раҳбарлари ва ходимларининг ташкилотни самарали бошқариш, молиявий барқарорликка эришиш, ижтимоий муҳим лойиҳаларни ишлаб чиқиш, ижтимоий шериклик ва таъсирчан жамоатчилик назоратини амалга ошириш, волонтерларни, хайрия ва бошқа ресурсларни жалб қилиш, ижтимоий менежмент, ижтимоий тадбиркорлик йўналишларида салоҳиятини ошириш фаолиятининг асосий йўналиши ҳисобланади.

Қарорда белгилан қўйилганидек, ассоциация раҳбари бир вақтнинг ўзида Ўзбекистон

Республикаси Президентни ҳузуридаги Жамоатчилик палатаси раисининг, ассоциация ҳудудий бўлинмалари раҳбарлари эса — ҳудудий жамоатчилик палаталари раисларининг нодавлат нотижорат ташкилотлари масалалари бўйича жамоатчилик асосида фаолият юритадиган маспахатчилари ҳисобланади.

Аҳамиятли томони шундаки, ушбу ҳужжатга асосан Қорақалпоғистон Республикаси, вилоятлар марказлари ва Тошкент шаҳридаги “Нодавлат нотижорат ташкилотлари уйлари”га ижтимоий аҳамиятга эга бўлган соҳаларда ўз фаолиятини амалга ошираётган нодавлат нотижорат ташкилотларини жойлаштириш ассоциациянинг тасвиянома-си асосида амалга оширилади.

Президентимиз қарорига ўз ифодасини тогган яна бир муҳим янгилик — “Юксалиш” умуммиллий ҳаракати, “Тараққиёт стратегияси” маркази ва Ассоциациянинг халқро грант маблағлари ҳисобидан 2021–2022 йилларда Қорақалпоғистон Республикаси, вилоятлар марказлари ва Тошкент шаҳрида фуқаролик жамияти институтлари фаоллари ўртасида самарали ҳамкорлиқни йўлга қўйиш, янги фуқаролик ташаббусларини амалга ошириш, мамлакатни ижтимоий-иқтисодий ривожлантириш масалаларини муҳокама қилиш, мавжуд муаммоларнинг ечими юзасидан тақлифлар тайёрлаш ҳамда шахсий билим ва қўникмаларини оширишга хизмат қилувчи коворкинг-марказлари ташкил этилмоқда.

Бундан ташқари, эндилкида фаолиятини устав мақсадларига мувофиқ Ўзбекистон Республикасининг барча ҳудудига олиб борадиган ҳамда икки ёки ундан ортқ маъмурий-ҳудудий бирлиқда алоҳида бўлинмаларига эга бўлган нодавлат нотижорат ташкилотлари республика нодавлат нотижорат ташкилотлари деб эътироф этилади. Фаолиятини устав мақсадларига мувофиқ виллоят, туман, шаҳар, шаҳарча, қишлоқ ва овул ҳудудида олиб борадиган шундай ташкилотлар эса ҳудудий нодавлат нотижорат ташкилотлари ҳисобланади.

Бугунги кунда республикамизда 10 минг 500 га яқин нодавлат нотижорат ташкилот фаолият қўрсатмоқда. Улар фаолиятига доир 200 дан ортқ меъёрий-ҳуқуқий ҳужжат қабул қилингани, мамлакатимизда фуқаролик жамиятини ривожлантиришга катта эътибор қаратилаётгани натижасида ННТлар бугунга келиб том маънода жамият ва давлатимизнинг барқарор тараққиёти, халқимиз фаровонлигини оширишнинг муҳим омили-ридан бирига айланди.

Бир сўз билан айтганда, улар бугун фуқаролик институтлари юртимизда кечаётган ижтимоий-иқтисодий ислохотларнинг фаол иштирокисига айланиб, ижтимоий-иқтисодий ривожлантириш давлат ва ҳудудий дастурларини амалга оширишда, айниқса, фидойилик кўрсатмоқда. Фуқаролик жамияти институтларини янада ривожлантириш Ўзбекистоннинг халқро имжини мустаҳкамлайди. Шу жиҳатдан мазкур қарорнинг ижроси нодавлат нотижорат ташкилотларининг нуфузини янада оширишга хизмат қилади.



www.yuz.uz



yuz.uznews



yuz_official



yuz.uz_news

Агар биз фарзандларимизни соғлом ва баркамол, Ватанга содиқ инсонлар этиб вояга етказиш ниятида эканмиз, аввало хотин-қизлар учун илм-фан ва касб-хунар йўлларини кенг очиб беришимиз керак.

Агар биз бўлғуси Хоразмийлар, Фарғонийлар, Берунийлар, Бухорийлар, Улуғбеклар, Навоийларни тарбияламоқчи эканмиз, биринчи навбатда, ҳар томонлама соғлом, юксак билимли ва маънавиятли оналарни тарбиялашимиз зарур.

Шавкат МИРЗИЁЕВ,

Ўзбекистон Республикаси Президенти

ЮКСАК ИШОНЧ ВА ЭЪТИБОРДАН МИННАТДОРМИЗ

Президентимиз қарорига мувофиқ, кунни кеча бир гуруҳ иқтидорли қизлар намунали хулқ-атвори, ноёб қобилияти, зукколиги ва ташаббускорлиги, таълим олишда эришган ютуқлари, таълим, фан, адабиёт, санъат, спорт соҳалари ва жамоатчилик фаолиятидаги алоҳида муваффақиятлари учун Зулфия номидаги Давлат мукофоти билан тақдирланди. Мухбирларимиз улардан баъзиларининг фикр-мулоҳазалари, дил изҳорларини ёзиб олди.

Шаҳзода КАРИМБОЕВА, Қорақалпоғистон Республикаси Тўрткўл туманидаги 12-умумий ўрта таълим мактабининг 11-синф ўқувчиси, Зулфия номидаги Давлат мукофоти соҳибаси:

— Давлат мукофоти билан тақдирланганлар рўйхатидан ўрин олганимни қуриб беҳад қувондим. Бу кун менинг ҳаётимда унутилмас воқеа бўлиб қолади. Давлатимиз раҳбари биз, ёшларни ҳар томонлама қўллаб-қувватлаётгани ҳаётда ўз йўлимизни топиш, келажагимизга умид билан қарашимизга жуда катта мотивация бермоқда. Президентимизнинг Ўзбекистон ёшлари форумида: “Мен ҳар гал ёшларимиз билан учрашганимда сизларнинг ғайрат-шижоатингиздан куч-қувват оламан, кўнглим тоғдай кўтарилади. Ҳар бирингиз жонажон Ватанимиз ва халқимизга сидқидилдан хизмат қилиш орзуси билан ёниб яшаётганингизни яхши биламан. Сизларни Ўзбекистоннинг энг катта бойлиги,



бебаҳо хазинаси сифатида қадрлайман”, — деб айтган гаплари янги Ўзбекистон ёшларини руҳлантириб юборди.

Инчунин, ота-онамнинг, устозларимнинг менга бўлган ишончини оқлашга ҳаракат қилганимдан мамнунман. Бу мукофотнинг юки ва масъулияти оғир. У бизни бундан-да юксак марралар сари ундайди. Мақсадларимизга эришишимизда кўп-рик вазифасини ўтайди.

Ота-онам, устозларим ёшлигимдан китобни севишга ўргатган. Китоблар ҳаётим мазмунига айланган, десам муболаға эмас. Инсон онги, тафаккури билим билан сайқал топади.

2018 йил “Ёш китобхон” кўрик-танловининг Қорақалпоғистон босқичида 1-ўрин, “Мен ўқиган китоб” кўрик-танловида 2-ўрин, “Энг яхши китобхон ўқувчи” кўрик-танловида ҳам 2-ўринни эгалладим. Ўша йилнинг ўзида “Ёш китобхон” танловининг Республика босқичида 2-ўрин насиб этди. 2019 йил Ўзбекистон ёшлар иттифоқи томонидан ташкил этилган “Ёш китобхон” танловида Қорақалпоғистон ва республика босқичларида ғолиб бўлиб, Президент совғаси — “SPARK” автоташинаси билан тақдирландим.

Ёшлар орасида китобхонликни оммалаштириш мақсадида ўзим таълим олаётган мактаб ва маҳаллада “Ёш китобхонлар” тўрагини ташкил этганмиз.

“Қалбим қуёшисан, Ўзбекистоним” номли илк шеърый китобим 2016 йилда, “Дилимда мангу баҳорим” деб аталган иккинчиси эса 2018 йилда нашр этилди. 2020 йилда “Манзара” шеърлар ва ҳикоялар тўплами босмадан чиқди. Шунингдек, нуфузли SCOPUS халқаро журналлари сирасига кирувчи “Research” журналида инглиз тилида “Line of spirit: about Nazar Eshonqul's stories who is prominent representative of modern Uzbek literature” (Рухият сатрлари: замонавий ўзбек адабиётининг таниқли вакили Назар Эшонқул ҳикоялари мисолида) сарлавҳали мақолам чоп этилди. “Биринчи илҳом”, “Мен ўқиган сўнгги китоб”, “Янги мақсад”, “Ёш китобхон кундалиги” сингари мақолаларим республика вақтли матбуоти юзини кўрди.

Бундай юксак рағбат келажақда ўзим танлаган йўлдан собит юриш, бундан-да катта муваффақиятларга эришишимда дебеча вазифасини ўтайди.



“ҚАЛБИМ ҚУЁШИСАН, ЎЗБЕКИСТОНИМ” НОМЛИ ИЛК ШЕЪРЬИЙ КИТОБИМ 2016 ЙИЛДА, “ДИЛИМДА МАНГУ БАҲОРИМ” ДЕБ АТАЛГАН ИККИНЧИСИ ЭСА 2018 ЙИЛДА НАШР ЭТИЛДИ. 2020 ЙИЛДА “МАНЗАРА” ШЕЪРЛАР ВА ҲИКОЯЛАР ТЎПЛАМИМ БОСМАДАН ЧИҚДИ. ШУНИНГДЕК, НУФУЗЛИ SCOPUS ХАЛҚАРО ЖУРНАЛЛАРИ СИРАСИГА КИРУВЧИ “RESEARCH” ЖУРНАЛИДА ИНГЛИЗ ТИЛИДА “LINE OF SPIRIT: ABOUT NAZAR ESHONQUL'S STORIES WHO IS PROMINENT REPRESENTATIVE OF MODERN UZBEK LITERATURE” (РУХИЯТ САТРАЛРИ: ЗАМОНАВИЙ ЎЗБЕК АДАБИЁТИНИНГ ТАНИҚЛИ ВАКИЛИ НАЗАР ЭШОНҚУЛ ҲИКОЯЛАРИ МИСОЛИДА) САРЛАВҲАЛИ МАҚОЛАМ ЧОП ЭТИЛДИ.



Манзура АБДУЛЛАЕВА, Наманган давлат университетининг 2-босқич магистранти, Зулфия номидаги Давлат мукофоти соҳибаси:

— Кичик бир чекка қишлоқдаги мен каби ёш ижодкорнинг юксак мукофотга лойиқ қўрилганини ёшларга билдирилган катта ишонч, деб биламан. Адабиёт ва илм-фан йўлидаги камтарона меҳнатимиз, интилишларимиз самарасидан ғоят хурсандман. Тўғриси, мазкур танловга 3-4 йилдан бери номзод сифатида катнашиб келардим. Мана, бу сафар насиб қилди.

Бу хушхабар ота-онамнинг ҳам кўксини фахрга, севинчга тўлдирди. Бизга катта умид билдирган Президентимизга миндан-минг раҳмат айтаман. “Ўхшашимни топмассиз асло”, “Умид тугиб келдим дунёга”, “Қуёш эртага қайтар”, “Қумғон”, “Болақўз”, “Исҳоқдон Ибрагим — серқирра ижод соҳибини”, “Ўқималарим ва уққанларим”, “Хонзодабегим”, “The sun will definitely return”, “Stories”, “Mona Lisa” каби ўндан зиёд шеърый ва насрий китоблар муаллифиман. Даврий босма нашрларда қўллаб-қувватлаш билан кичик ҳикояларим чоп этилган.

2016 йилда “Юрт келажаги”, “Дурмон семинари” танловлари-

нинг мутлақ ғолиби бўлганман. 2017 йилда Ўзбекистон ёшлар иттифоқи стипендиясини олганман, 2018 йилда Навоий номидаги давлат стипендияси соҳибини бўлдим, “Ўзбекистон баҳори” танлови совриндорлари қаторига кирдим. 2019 йилда эса “Ўзбекистон белгиси” кўкрак нишонини соҳибасига айландим. “ЎзХДПнинг энг фаол аёли” танлови республика босқичида 1-ўринни эгалладим. 2020 йилда Ўзбекистон Ёзувчилар уюшмаси аъзоси бўлдим. Қозоғистоннинг Абай Қўнонбоев номидаги медали билан тақдирландим.

Фурсатдан фойдаланиб, бундай юксак эътироф ва ютуққа эришимда мени доимо қўллаб-қувватлаган, ижодий маҳоратим ошишига беминнат хисса қўшган филология фанлари доктори, академик Бахтиёр Назаров, Наманган давлат университетини доцентлари Обиджон Каримов, Мўминжон Сулаймонов, Абдужаббор Омонов ҳамда шоир ва публицист Содиқ Сайхунга ўз миннатдорлигини билдираман.

8 март — Халқаро хотин-қизлар кун

СЕВАРА ОЛТИТА ХАЛҚАРО ТАНЛОВ ҒОЛИБАСИ



— Қизимдаги иқтидорни болалигидан сезганман, — дейди онаси Гулчехра опа. — Турмуш уртоғим билан маслаҳатлашиб, уни туманимиздаги болалар мусиқа ва санъат мактабига ўқишга бердик. Севаранинг қобилиятини сезган устози Лутция Искандарова унга мусиқанинг мураккаб йўналиши — фортепианодан сабоқ берди.

Севара 2011-2014 йилларда Тошкентдаги эстрада ва цирк коллежининг, 2015-2019 йилларда эса Ўзбекистон давлат консерваториясининг эстрада-фортепиано йўналишида тахсил олди.

— Илк бор, 2014 йили Россиянинг Санкт-Петербург шаҳрида ўтказилган халқаро мусиқий танловда иштирок этганман. Ўша пайтдаги ҳаяжон бугунгидек ёдимда, — дейди Севара Нейматуллаева. — Ўзбекистондан учта ўқувчи қатнашганмиз. Ҳакамлар турли мамлакатлардан келган мусиқа билимдонлари эди. Саҳнада куй ижро этарканман, кўз олдимда юртим, қишлоғим, отам, онам гавдаланди. Ватан шайини ҳимоя қилиш буюк шараф эканини ўшанда тушуниб етдим. Ишонасизми, ғолиб бўлганимни эълон қилишганда севинчдан устозим Ҳилола Ҳўжаеванинг бағрига ўзимни отиб, роса йиғлаганман. Устозим ҳам жуда ҳаяжонланган. Консерваторияни тугатгач, ўзим таълим олган мусиқа мактабига ишга келдим. Шу йили фортепиано йўналишида 18 нафар ўқувчига сабоқ бердим. Болалар билан ишлаш осон эмас, албатта. Айниқса, ўқувчиларга оҳангни эслаб

Севара Нейматуллаева Тошкент вилоятининг Пискент туманида яшайди. Отаси Фатхулла ака ҳам, онаси Гулчехра опа ҳам ўқитувчи. Оиладаги уч қизнинг катталари — Шаҳло ва Зилола Ўзбекистон Миллий университетининг математика факультетига тахсил олди. Севара эса мусиқани танлади.

қолишни, бармоқ ва билакларни тўғри тутишни ўргатиш анча қийин иш. Аммо мен удаладим. Мана, уч йилдирки, фортепиано чалиш бўйича таълим бериб келмоқдаман. Ўқувчиларимнинг ҳаракатларида ўзимни кўраман.

Коронавирус пандемияси халқаро мусиқа танловларига ҳам ўз таъсирини кўрсатди — ўтган йилги танловлар онлайн тарзда ўтди. Мактабдаги барча ўқитувчилар қаторида Севара ҳам бу танловларда қатнашди.

— Онлайн халқаро танловларнинг ўзига яраша талаблари бор, — дейди Севара. — Аввало, танловга тақдим этилган мусиқий видео мукамал камералар орқали суратга олиниши ва унда монтаж бўлмаслиги керак. Чунки мусиқада овоз динамикаси тўғри ёзиб олиниши катта аҳамиятга эга. Шунингдек, танлов хайъатига ўзингиз ҳақингизда тўлиқ маълумот беришингиз лозим. Мен олти та танловда иштирок этдим. 2020 йил сентябрь ойида Франциянинг Париж шаҳрида бўлиб ўтган “For contribution to the success the world culture and art”, Бордо шаҳрида ўтказилган “Awarded” танловларида буги-вуги мусиқасини жаз йўналишида ижро этиб, иккала-сида ҳам фахрли биринчи ўринни олдим. Октябр ойида Италиянинг Сан-Ремо шаҳрида ўтказилган “For contribution to the success the world culture and art”, декабрь ойида Россиянинг Санкт-Петербург шаҳрида ўтказилган “Музыкальное творчество” ҳамда Екатеринбург шаҳрида ташкил этилган “Страна талантов” танловларида ҳам ғолиб бўлдим. Янги йил арафаси — 31 декабрь кунини Швециядан қувончи хабар келди. Бу мамлакатда ўтган “Art Sweden fest” танловида биринчи ўринни эгаллабман. Қувончдан энтиқиб кетдим. Дипломларнинг асл нусхасини почта орқали жўнатишди. Жамоамизда, оиламизда катта шодиена бўлди. Барча муваффақиятларим учун устозларимдан миннатдорман.

Севара Нейматуллаева бугунги кунда “Лазги” ҳамда “Анджон полькаси” каби

халқимизнинг энг сеvimли мусиқаларини фортепиано орқали жозибдор қилиб ижро этиш устида изланяпти. У жорий йилда магистратурага кириб, мусиқий билимларини янада мустаҳкамлаш ва илмий изланишлар қилиш ниятида.

— Бизнинг мусиқа ва санъат мактабимизда 380 нафар ўқувчи тахсил олади, — дейди Пискент туманидаги 30-болалар мусиқа ва санъат мактаби директори Ғанижон Юсупов. — Шу кунга қадар юздан ортиқ ўқувчимиз республика ва халқаро миқёсдаги танловлар совриндорлари бўлишди. Севара маҳоратли ўқитувчиларимиздан бири. У ўз йўналиши бўйича тинимсиз изланади. Биласизми, фортепианони ўрганиш жуда мураккаб. Мусиқа мактабига айрим йўналишлар 5 йиллик бўлса, фортепиано йўналишида ўқувчилар 7 йил таълим олади. Сабаби, фортепианонинг икки — миллий ҳамда эстрада йўналиши бор. Ҳар иккаласини ўрганиш учун ўқувчи хор, мусиқа наърияси ва адабиёти, ноталар ёрдамида қуйлаш каби билимларни чуқур эгаллаши зарур. Севаранинг ўз устида тинимсиз изланиши ва ўрганиши қўллаб-қувватлашга эришишига замин яратяпти.

Бугунги кунда 15 нафар ўқувчи Севарадан эстрада-фортепиано йўналишида тахсил олмақда. 2020-2021 йилларда 8-13 ёш оралиғидаги ўқувчиларининг 11 нафари АҚШ, Франция, Италия, Испания, Швеция, Россияда ўтказилган онлайн халқаро мусиқа кўрик-танловларининг совриндорлари бўлишди. Жумладан, 9 ёшли Азиза Маҳаматқулова яқинда Россия ва Швецияда ўтказилган танловларда биринчи ўринни эгаллади.

Севара Нейматуллаева бугун юртимизда иқтидорлиларни қасф этиш, тарбиялаш учун барча имкониятлар яратилганини таъкидлар экан, ўзи ҳам, ўқувчилари ҳам ватанимиз шарафини халқаро танловларда муносиб ҳимоя қилишга тайёр эканини билдирди.

Нигора ЎРОЛОВА, журналист

БУГУНГИ ЁШЛАР

БИЛИМЛИ ВА ТАДБИРЛИ ТЕНГДОШЛАРИМ БИЛАН ФАХРЛАНАМАН

ёхуд довжорак ва жасоратли момолар издошларимиз



Мерей ОМОНБОВЕВА, Зулфия номидаги давлат мукофоти соҳибаси, ёш тадбиркор

Президентимиз: “Мамлакатимиз тараққиётининг янги Ўчинчи Ренессанс пойдеворини сиз каби фидойи ва ватанпарвар ёшларнинг куч-ғайратингиз ҳамда азму-шижоатингизга суняган ҳолда яратамиз”, дея таъкидлаганида қалбимни кучли ҳаяжон эгаллаб олди. Биз, ёшлар бу ишонч ва рағбатга муносиб авлод бўлишимиз керак. Мактабгача таълим, мактаб ва олий таълим, ёшлар тадбиркорлиги учун жуда катта имтиёз ва грант, квоталар ажратилиши ҳам ёшларнинг юксалиши, фаровон ҳаёт кечирishi учундир.

Ёшлар тадбиркорлиги, бандлигини таъминлаш учун 100 миллион доллар, бизнес лойиҳаларини кредитлаш ҳамда касб-хунарга ўқитиш учун 1 триллион сўм ва 50 миллион доллар ажратилиши, кичик саноат зоналарида ишлаб чиқариш бинолари қурилиб, имтиёзли шартларда ижара ва лизинг асосида берилиши уларнинг эзгу-мақсадларини амалга оширишга катта ёрдам ва туртки бўлди, десам адашмаган бўламан.

Мамлакатимизда биз ёшлар учун барча соҳаларда имконият ва шароитлар яратилиб, кенг қўламли ишлар амалга оширилмоқда. Тарихда биринчи бора Ёшлар форуми доирасида Президентимиз ёшларни юксак марралар сари руҳлантирадиган учрашув ўтказди. Албатта, бу учрашув катта имкониятлар сари дадил қадам ташлашимиз учун яна бир далда бўлди, десам адашмаган бўламан. Мен ҳам ушбу форумда иштирок этиб, давлатимиз раҳбарининг ёшлар учун айтган ҳар бир гапидан ўзим учун асосий режаларни белгилаб олдим.

Президентимиз Олий Мажлисга Мурожаатномасида ҳам хўнарни ва тадбирчи ёшларни тарбиялаш муҳим эканлигини таъкидлаб, шундай деди: “Ўғил-қизларимизни меҳнат бозорига талаб юқори бўлган замонавий касб-хунардорга ўргатиш, уларда тадбиркорлик кўникмалари ва меҳнат-севарлик фазилатларини шакллантириш ҳамда ташаббусларини рўёбга чиқариш, иш ва уй-жой билан таъминлашга устувор аҳамият қаратамиз. Бир сўз билан айтганда, бола туғилганидан бошлаб, 30 ёшгача бўлган даврда уни ҳар томонлама қўллаб-қувватлайдиган, ҳаётда муносиб ўрин топиши учун кўмак берадиган, яхлит ва узлуқсиз тизим яратилади”.

2020 йилда жамоатчилик йўналишида Зулфия номидаги Давлат мукофотини Президентимиздан қабул қилиб олган чоғимда менга берилган ишончини катта маъсулият билан оқлашни ўз олдимга мақсад қилиб қўйдим. Мурожаатномада белгиланган вазифаларни амалга оширишда ва Ёшлар форумида таъкидланган юксак марраларни забот этиш вилоятимиз ва шаҳримиз раҳбарларига бевосита камарбаста бўламан. Биз, ёшлар қанчалик кўп бирлашсак катта куч бўламиз, ана шунда давлатимиз ва халқимизга катта ёрдамимиз тегади. Она Ватанимиз ривожига ўз хиссамизни қўиш биз, ёшлар учун ҳам қарз, ҳам фарздир. Зеро, барча имкониятлар биз учун!

Давлатимиз раҳбари “Янги Ўзбекистонни ана шундай билимли ва бунёдкор ёшларимиз билан биргаликда барпо этамиз”, деганида айна пайтда ўз билими ва меҳнати билан катта ютуқларни қўлга киритаётган ҳар бир замондошим, тенгдошим билан ғурурдланам.

Эндиликда хотин-қизларнинг жамият ҳаётидаги ўрни ва нуфузини ошириш, уларга янги имкониятлар яратиш бўйича навбатдаги қадам ташланди. Яъни ҳаётни ва аёллар муаммоларини яхши биладиган, фаол ва ташаббускор опа-сингилларимиздан иборат Республика Хотин-қизлар жамоатчилиги кенгашининг ташкил этилиши жуда катта имкониятлар эшигини очди.

Аёлларнинг бизнес соҳасидаги лойиҳаларини қўллаб-қувватлаш ҳамда жойларда аниқланган хотин-қизлар муаммоларини ҳал этиш жараёнида янги тизим юзага келиши ёш тадбиркор замондошларимга ўзгача заъв ва шижоат бағишлагани ишонаман. Тарихимизда аллома боболаримиз билан бирга юксак мақсадлар йўлида ҳаёт машаққатлари сари дадил қадам ташлаган, юрт равнақи учун жон қуйдирган момоларимиз ҳам кўп бўлган. Бибиҳоним, Тўмарис ва Нодирабегим каби жасоратли ўзбек аёллари жуда ҳавас қиламан. Уларга муносиб издош бўлиш йўлида тинимсиз изланишдан, янада кўпроқ билим олишдан сира чарчамайман.



Буюк юртга энди даҳолар керак

ёҳуд ижод мактаблари маънавият академияларига айланмоқда

Кўхна Марғилонга йўлингиз тушса, Эркин Воҳидов номидаги ижод мактабига, албатта, кириб ўтинг. Сўлим мажнунтоллар барг ёзган аини паллада бу даргоҳда ижод завқи ва шавқи билан билим олаётган йигит-қизлар билан суҳбатлашсангиз, баҳри дилингиз очилади. Мактабга кириб бораётган чоғингизда Ўзбекистон Қаҳрамони, халқ шоири Эркин Воҳидовнинг мана бу мисралари қулоғингиз остида жарангласа, ажаб эмас:

Менга куллуқ қилма,
Юрт тупроғин ўп,
Унга куллар эмас, фидолар керак.
Унинг сену мендек шоирлари кўп,
Буюк юртга энди даҳолар керак...

ОМОН ЁР ЎЙНАСАНГЧИ-ЕЙ, ОМОН ЁР...

Таниқли шоир Мирзо Кенжабек адабий суҳбатларнинг бирида бундай дейди: “Адабиёт дарслиги — ҳаёт дарслиги. Урта мактаб ва олий ўқув юртлири дарслиқларига бахши-шоирларни киритиш, хрестоматияларда уларнинг ижодидан намуналар бериш фойдадан холи эмас. Модомики, мактаб болани ҳаётга тайёрлар экан, демак, уни ана шу ҳазина, ана шу бойлик руҳида тарбиялаш шарт. Ҳатто лапарлар айтишни, халқ терма ва қўшиқларини ҳам ўқувчиларга ўргатиш керак. Боланинг қайғусини чегаралаб бўлмайди. Унинг тасаввур оламини гўзалликлар билан беамоқ лозим. Келажакнинг даҳолари — болалар орасида”.

Чиндан ҳам бу фикрда жон бор. Кўхна илдиэларимиз акс этган ижод намуналари фарзандларимизга ўзгача гурур ва илҳом бахш этади. Афсуски, кўп йиллар давомида қадим тарихимизга, халқ озғани ижодида бепарво муносабатда бўлганимиз боис миллий ўзлигимиздан узоқлашиб қолган эдик. Энди бу бўшлиқни тўлдиришимиз, маънавий қадриятларимиздан дарак бергучи чашмалардан ёш авлодни боқабар қилишимиз зарур...

— Ижод мактаби том маънода ўзига хос таълим бериш усуллари ва педагогик технологиялари билан ўз номини оқлаши керак, — дейди муассаса директори Нигорахон Маннопова. — Ўқувчиларга дарс беришда фақат дарслиқлар билангина чегараланиб қолмаймиз. Фаргона водийси ўзининг лапарлари, аския ва айтишувлари, мақоллари билан донг таратган. Баходир Исо, Ўқтамхон Солиева, Гулчехра Асрнова каби фидойи ўқитувчиларимиз ўтадиган дарсларнинг ҳар бири янгиликларга бойлиги, мумтоз адабиётга, халқ озғани ижоди намуналарига бўлган юксак эҳтироми билан ажралиб туради. Улар ноёб маънавий меросимиз билан боғлиқ манбаларни топиш учун тез-тез ижодий ва илмий экспедициялар ююштириб туришади. Очик дарсларимизга фольклор ансамбллари қаторида дорбозлару моҳир ҳўнармандларни ҳам таклиф қилиб туриамиз. Миллий қадриятларимиз ва урф-одатларимизга бағишланган учрашувларда эса кайвони момоларимиз ва узко боболаримиз ҳикоялар айтиб беришади.

Ҳа, яқинда “Сумалак сайли” нишонланади. Чилдирмани ўтга тоблаб, халқ қўшиқларидан териб-териб айтидиган момоларимиз ҳам ушбу сайлга таклиф этилган. “Омон ёр ўйнасангчи-ей, омон ёр, белингни богласангчи-ей, омон ёр”, дея қўйлаб қолишса борим... Ўйнаган ҳам ўйнайди, ўйнамаган ҳам... Ҳўнарманд йигит-қизларнинг ўз қўллари билан тайёрланган маҳсулотларидан эса ажойиб кўргазма тайёрланмоқда. Сиз ҳам, албатта, келинг!

“ЎЗБЕГИМ” ЖУРНАЛИ НАШРДАН ЧИҚДИ

“...Биз, ёш ижодкорлар, Эркин Воҳидов номидаги ижод мактабига таҳсил оламиз. Биз учун энг асосий андоза бу — Эркин Воҳидов. Устоз қандай инсон бўлган? Шоир, таржимон, драматург, ўз даврининг Навоисини, ўзбек тили бойлигиндан моҳирона фойдаланиб ғазаллар битган. Бундан билишимиз мумкинки, етук шоиримиз ниҳоятда илмий инсон бўлган. Таржима қилиш учун чет тилини, сўзларни ўз ўрнида қўйлаб олиш учун эса она тилини яхши билиш керак...”

Ижод мактабининг 11-синф ўқувчиси Аҳроржон Тўхтасиновнинг ушбу мулоҳазалари “Ўзбегим” журналининг биринчи сонида чоп этилган. Ҳа, эндиликда мактабининг ўз журнали нашр этила

ОДАМЛАРДАН ТИНГЛАБ ҲИКОЯ...

Ўқув масканида аини пайтда 20 дан ортиқ факультатив машғулот ва ижодий тўгарак фаолияти йўлга қўйилган. Бундан ташқари, халқимизнинг атоқли ёзувчи ва шоирлари билан маҳорат дарслари ўтказилади. Хусусан, ўтган давр мобайнида ўқувчилар ҳозирги ўзбек адабиётининг Ўсмон Азим, Нурали Қобул, Хайридин Султонов, Сирожидин Саййид, Иқбол Мирзо сингари етакчи вакиллари сабоқларини олишга улғуришди. Айниқса, сабоқлардан кейинги муҳокамалар жуда қизгин ўтади. Бундай мунозараларда янги фикрлар ва таклифлар ўртага ташланади. Ёзувчи Хайридин Султоновнинг “Одамлардан тинглаб ҳикоя” китоби ҳамда Ўзбекистон халқ шоири Энахон Сиддиқованин “Барханларда унган гўл” лиро-эпик қиссаси борасида адабий мунозара ўтказилаётганда кўп-лаб янги ёндашувлар ва ижодий сабоқлар борасидаги таклифлар билдирилди. Ҳа, маҳорат дарси баҳона кечадиган учрашувлар ва очик мулоқотлар ўқувчиларга ўзгача куч ва шижоат бахш этади.

Шунингдек, мактабда инглиз тили фани каби она тили ва адабиёт фанлари ҳам гуруҳларга ажратилган ҳолда ўқитилган. Бу ҳолат, албатта, ўқувчиларнинг она тили ва адабиёт бўйича билимларининг янада кучайишига хизмат қилмоқда. Эътиборга молик жиҳатлардан яна бири — ижод мактабига хорижий тил сифатида араб тили дарси ҳам йўлга қўйилган. Мазкур дарслар ўқувчиларнинг мумтоз матн ва манбаларни ўқиш ҳамда ўрганишларида катта роль ўйнайпти.

Яратилган шароит ва имкониятлардан унумли фойдаланган ҳолда мактаб ўқувчилари қисқа муддат ичида мактанса аригулук ютуқларни қўлга киритаяпти, республикамизда ўтказилган бир қатор кўрик-танлов, олимпиадаларда муносиб қўлаштириб, нуфузли ўринларни эгаллаб келмоқда. Хусусан, 2019 йилда 5-8-синфлар ўртасида ўтказилган “Билимлар бешлашув” да муассасанинг 2 нафар ўқувчиси фахрли 1-ўринни олди. Ёш ижодкорлар танловида ғолиб бўлган 10 нафар ўқувчи 2019 йилда ёзи таътилда Зомин семинарида иштирок этди. 2021 йил мактаб ўқувчилари умумтаълим мактаблари ўртасида ўтказилган фан олимпиадасининг вилоят босқичида биринчи ҳамда иккинчи ўринларни қўлга киритишди. Шу билан бирга, 2020 йилда ўзбек тилига давлат тили мақоми берилганлигининг 31 йиллиги муносабати билан Вазирлар Маҳкамаси ҳузуридаги Президент, ижод ва ихтисослаштирилган мактабларни ривожлантириш агентлиги томонидан ўтказилган “Қадринг баланд бўлсин, она тилим!” республика кўрик-танловида фахрли ўринларга сазовор бўлишди. 9-синф ўқувчиси Эргашева Нилуфар эса “Ёш китобхон” кўрик-танловининг шаҳар босқичида ғолиб деб топилди.

— Мактабимизнинг энг катта ютуғи бўлган адабиётсевар, китобхон ўқувчиларимиз билан фахрланамиз, — дейди ёзувчи ва жонкуяр педагог Гулчехра Асрнова. — Ўқувчиларимизнинг ҳар бири иқтидорли, ўз овози ва созиға эға. Назм, наср, бадийи публицистика, бадийи таржима йўналишларида тинимсиз изланишлар қилишади. Инглиз, рус, турк ва араб тилларида шеърлар ёзаётган, устоз Эркин Воҳидов шеърларини хорижий тилларга таржима қилаётган, мактабимизда ташкил этилган “Ўзбегим” радиоси, “Ўзбегим” журналида илк мухлисларини топаётган ёшларимизни кўриб, бу даргоҳ ёш ижодкорларнинг ижодий юксалишларига мустақкам пойдевор яратаётган чинакам адабиёт мактаби экани бизга гурур бахш этади.

Эркин Воҳидов номидаги ижод мактаби 210 ўқувчига мўлжалланган бўлиб, ҳозир 134 нафар ёш истеъдод сабоқ олмақда. Мактабда 7-синфдан 11-синфгача ўқувчилар таълим олади. Қабул жараёнлари икки босқичда йўлга қўйилган. Биринчи босқичда ўқувчилардан ижодий ёзма иш олинди ва бу билан уларнинг ижодий салоҳияти аниқланади. Биринчи босқичда юқори балл тўплаган ўқувчилар иккинчи босқичда ихтисослаштирилган фанлар — она тили ва адабиёт ҳамда инглиз тили фанларидан тест топширишади. Шунан таъкидлаш жоизки, мазкур амалиёт дастлаб Эркин Воҳидов мактабига жорий этилган эди. Амалиёт ўзини оқлагани сабабли кейинчалик мазкур икки босқичли тизим борака ижод мактабларига татбиқ қилинди.

Таълим муассасасининг ёшлар қалбидаги иқтидор чечакларини авайлаб ўстираётган Толибхон Рўзйбоев, Мунира Қўқонова, Муҳаммадамин Нурматов сингари таржомкор устозлари бор.

Ҳозирги кунда мактабининг 11 та ўқув хонаси, 14 ўринли ахборот технологиялари зали, 3 мингдан ортиқ китоб жамланган кутубхонасидан ёш ижодкорлар тўлиқ баҳраманд бўлмақда. Шунингдек, 90 ўринли ошхона, 140 ўринли ўқувчилар ётоқхонасида ҳам замонавий шароит ва қўлайликлар яратилган.

Бош муҳаррир: **Салим ДОНИЁРОВ**

“Янги Ўзбекистон” газетаси учун масъул:
бош муҳаррирнинг биринчи ўринбосари
Бахтиёр Абдусатторов

Девонхона: (0-371) 233-70-98 Котибият: (0-371) 233-56-60

Тахририятга келган қўлёзмалар тақриз қилинмайди ва муаллифга қайтарилмайди. Газетанинг етказиб берилиши учун обунани расмийлаштирган ташкилот жавобгар. Газета тахририят компьютер марказида сақдаланади. Газетанинг полиграфик жиҳатдан сифатли чоп этилишига “KOLORPAK” МЧЖ масъул.

Эълонлар: (0-371) 233-57-15 E-mail: yuz-gazetasi@mail.ru

Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги томонидан 2020 йил 13 январда 1047-ракам билан рўйхатга олинган.
Нашр индекси — 236. Буюртма — 706.
11453 нусxada босилди.

Ҳажми — 3 табоқ. Офсет усулида босилган. **Қоғоз бичими А2.** Баҳоиси келишилган нархда.

“KOLORPAK” МЧЖ босмахонасида чоп этилди. Босмахона манзили: Ўзбекистон, 100060. Тошкент, Янги шаҳар қўчаси, 1-А уй. Босмахона телефони: (78) 129-29-29

“Энг яхши сценарграф” номинацияларини қўлга киритган.

2019 йилда эса театр Маданият вазирлиги томонидан ўтказилган “Сени қўйлаймиз, замондош!” V Ўзбекистон театрларининг кўрик-фестивалида М. Каримовнинг “Инсонликка номзод” спектакли билан қатнашиб, фахрли 3-ўринга сазовор бўлган. Спектакль ҳақида барча, хусусан, мутахассислар, театр санъатининг даргалари ҳам илиқ фикрлар билдирди.

Бутун олам аҳли учун оғир кечган 2020 йилда ҳам театр жамоаси жуда қизгин ижодий жараёнлар, репетицияларни масофадан давом эттирди. Натижа ёмон бўлмади. Театр бош режиссёри Мансур Холиқовнинг Чингиз Айтматов қаламига мансуб “Сарвжомат дилбарини”, ёш томошабинлар учун “Музлаган соат” спектакллари, маҳоратли ёш режиссёр Нигора Гойибназарованиннг Тоғай Мурод муаллифлигидаги “Отандан қолган далалар” драмаси муваффақият билан саҳналаштирилди. Ижодий фаолияти муносиб баҳоланган бу ёш санъаткор “Илп режиссёри” номинацияси бўйича “Эътироф” мукофотини қўлга киритди. Бу эса театр жамоасини янада кўпроқ изланиш, интилишга ундагани аниқ. Зеро, республикада ўз ўрнини топа билиш осон кечмайди.

Алоҳида айтиш жоизки, илк томошабинларига 1975 йилда Абдулла Қаҳҳорнинг “Муҳаббат” қиссаси асосидаги спектаклни намойиш этган театрнинг ўзига хос ижод йўли, ҳозирги мавқеи шаклланишида кўп-лаб буюк санъаткорлар, режиссёрлар, актёрларнинг фидокорона меҳнатлари бор. Ўзбекистон халқ артисти Баходир Йўлдошев, Ўзбекистон санъат арбоблари Риховий Орифжонов, Маҳжам Мўхаммедов, Жўра Маҳмудов, Неъмат Шомуродов, Ўзбекистонда хизмат кўрсатган артистлар Гофур Ҳамидуллаев, Мирзақарим Бобоев, Валихон Умаров, Маматхон Асқаров, истеъдодли режиссёрлар Сайфиддин Мелиев, Мансур Холиқов ва бошқалар театр репертуарини шакллантириб, ижодий жамоага бевосита устозлик қилганлари бунинг ёрқин исботи.

Юқорида номлари тилга олинган тажрибали устозларнинг муносиб издошлари — Озода Абдуллаева, Шариф Жумаев, Зулфия Эшмуротова, Мавлуда Маматиллаохунова каби Ўзбекистон Республикасида хизмат кўрсатган артистлар бугунги кунда театрнинг забардаст санъаткорларидан саналади. Шунингдек, Сирдарё театри аъёнларини давом эттириб келаётган авлод вакиллари — “Дўстлик” ордени соҳиби Иброҳим Қосимов, “Шўҳрат” медали соҳиби Фарҳод Уринов сингарилар ўзига хос ижодий изланишлари билан театр ихлосмандлари ҳурматини қозонапти. Ана шундай катта куч билан театр ҳозирги кунда репертуаридаги жаҳон ва миллий драматургиянинг турли жанрдаги ўн бешдан ортиқ намунасини томошабинларга намойиш этиб келмоқда.

Шунингдек, янги ва тарихий спектакллари саҳналаштириш жараёнилари ҳам шиддат билан давом этапти. Жўмладан, Азиз Несин ҳикоялари асосида “Одам қандай ақлдан озади?” комедияси, Ҳайитмат Расул қаламига мансуб “Моҳи Турон” (Бибихоним), Пиримкул Қодировнинг “Юлдузли тунлар” романи асосида “Аҳли жаҳондин яхшилиб” (“Бобур”) тарихий драмалари устидан иш қизган. Зеро, тарихий фильмлар, тарихий спектаклларга бугун ҳар қачон-қидан ҳам эҳтиёж ортди. Шу боис, театр жамоаси ўзига хос мураккаблиқлар бўлса-да, тарихий асарларга кўпроқ мурожаат қилаяпти. Зеро, ёш авлод вакиллари ҳам театрга айнан тарихий спектакллар билан кенг қамраб олиш мумкин. Бугунги кунда буюк аждодларимиз, тарихий қаҳрамонларимиз сиймопарини яратиш билан ўзгилчимизни юксалтиришга кенг имконият яратилаётгани бунга замин бўлаётди.

Кенгаётган имкониятлардан самарали фойдаланишни кўзда тутган жамоа қатор тарихий спектакллари билан вилоятдаги олийгоҳлар, лицей ва коллежлар, умумтаълим мактабларига кириб борапти.

Энг муҳими, театр М. Бехбудийнинг “Падаркуш”, Ш. Бошбековнинг “Қўча болалари”, Қ. Рустамовнинг “Сирли китоб” каби юксак маънавий-ахлоқий таъсирга эға спектакллари синдарёлик минглаб йигит-қизлар ҳўқмига ҳавола этиб, ёшлар маънавиятини бойитишга катта ҳисса қўшяпти.

Ишонч билан айтиш мумкинки, Сирдарё вилояти музикали драма театри жамоаси ўз олдиға қўйган вазифаларни бугунги томошабин дидига мос юксак савиядаги спектакллар саҳналаштириш билан муваффақиятли амалға ошириб келмоқда.

ТЕАТР САҲНАСИДА

ўтмиш ва бугунги кун воқеалари



Олис вилоятлардан қариндош-уруғларимиз меҳмонга келиб, концерт ёки театрга тушиш истагини айтишганида, кўнгилларини олиш мақсадида улар билан бирга борамиз. Томошалардан сўнг концертга доим ҳам имкон бўлавермаслиги, лекин театрдан асло йироқлашмаслик кераклигини чуқур ҳис қилишимиз.

Муножат МЎМИНОВА, “Янги Ўзбекистон” муҳбири

Меҳмонларимиз эса театр актёрларини юзма-юз кўрганларидан, қалблари тўпинланганидан бошлари кўкка етиб, уларнинг маҳоратига тасанно айтишади. Шундан бўлса керак, театрдан олинган таассуротлар хотираларда узоқ сақланиб қолади. Меҳр тушган жойға эса кўнгил талпинади, оёқ тор-таверди.

Шу маънода ҳам аини пайтда театрларнинг фаоллигини ошириш, уларни реконструкция қилиш, моддий-техник базасини мустаҳкамлаш орқали халқимиз, айниқса, ёшларни бу кўтлуг масканга кенг жалб қилишға жиддий эътибор берилаяпти. Хусусан, вилоятлардаги маданият марказлари, театрлар ҳолатини яхшилаш борасидаги ишлар барчани бирдек мамнун этаяпти.

Сирдарё вилояти музикали драма театри биноси бутунлай янги қиёфаға эға бўлгани ҳам ана шундай эзгу мақсадлар самараси, дейиш мумкин. Зеро, заҳматқаш, танти сирдарёликлар муҳташам санъат қонақоналарида мириқиб ҳордик чиқаришға, гўзал санъатимиздан юксак даражада баҳраманд бўлишға лойик.

Катта зали 550 ўринли мазкур театр биноси 2017-2019 йилларда тўлиқ реконструкция қилиниб, янгича дизайн асосида таъмирланди. 80 нафар томошабинға мўлжалланган иккита кичик залда эса кўйрочқо театри ва бошқа турли тадбирларни бемаъл ўтказиш мумкин. Ўриндиқлар, иситиш-совитиш тизимиғача барча жиҳозларнинг замонавийлиги,



қўлайлиги томошабинға кўтаринки руҳ бағишлаши табиий. Энг илғор ва сўнгги намуналардаги саҳна усуқналари эса спектаклнинг таъсирчанлигини янада оширади. Зеро, бундай шароитда санъаткорлар ҳам эмин-эркин, ғайрат билан ижод қилады.

Буларнинг бари ўз-ўзидан бўлмади, албатта. 3 йил давом этган капитал таъмирлаш жараёнида театр ўз фаолиятини эскирқ бинода давом эттириб туришға мажбур бўлди. Шундай шароитда ҳам театр директори Равшан Ражабовнинг фидойилиги, эзгу ташаббуслари туфайли жамоа томонидан машҳур асарлар саҳналаштирилди. Яна бир гап. Театр жамоаси ўзининг 44-масъумини 2018 йилнинг 11 сентябрь кўни Ўзбек миллий академик драма театрида Чингиз Айтматовнинг “Момо ер” драмаси премьераси билан очди.

Дарҳақиқат, театр жамоаси уч йил давомида қийинчиликлари рўқач қилмади, аксинча, янги-янги асарлар устидан ишлаб, қатор муваффақиятларни қўлга киритди. Ўз ўрнида гастрол сафарлари ҳам қолиб кетмади. Ижодий жамоа ўтган уч йил давомида Андижон, Жиззах, Самарқанд вилоятлар аҳолисиға Н. Аббосхоннинг “Инсон ўзин” трагикомедияси, Ч. Айтматовнинг “Момо ер” драмаларини муваффақият билан намойиш этиб келаяпти. Сара спектакллари билан халққа хизмат қилиш баробарида жамоа нуфузли республика ва халқаро фестивалларда ҳам иштирок этиб, театр номини янада улуғламқда.

2018 йилда Қозғистоннинг Толдиқўрган шаҳрида ўтказилган VII халқаро театр фестивалида театр “Момо ер” спектаклнини намойиш этганди. Ушанда Ўзбекистонда хизмат кўрсатган артист Мавлуда Маматиллаохунова Тўлғаной роли учун “Энг яхши аёл роли” ва спектаклнинг саҳналаштирувчи рассоми, Ўзбекистон санъат арбоби Шўҳрат Абдумаликов

Навбатчи муҳаррир: **Муножат Мўминова**
Мусаҳҳиҳ: Асолат Аҳмадуқолова
Дизайнер: Зафар Бакирду

Манзилимиз:
100029, Тошкент шаҳри,
Матбуотчилар кўчаси, 32-уй
ЎЗА яқуни — 23:50 Топширилди — 02:05